

தா³டா²வங்ஸோ

நமோ தஸ்ஸ ப்⁴க³வதோ அரஹதோ ஸம்மாஸம்பு³த்³த⁴ஸ்ஸ

1. விஸாரத³ங் வாத³பதா²தி வத்தினங்,
திலோகபஜ்ஜோதமஸய்ஹஸாஹினங்;
அஸேஸ ஞெய்யாவரணப்பஹாயினங்,
நமாமி ஸத்தா²ரமனந்தகோ³சரங்.
2. திலோக நாத²ப்பப⁴வங் ப⁴யாபஹங்,
விஸுத்³த⁴விஜ்ஜாசரணேஹி ஸேவிதங்;
பபஞ்ச ஸங்யோஜனப³ந்த⁴னச்சி²த³ங்,
நமாமி த⁴ம்மங் நிபுணங் ஸுது³த்³த³ஸங்.
3. பஸாத³மத்தேன³பி யத்த² பாணினோ,
பூ²ஸந்தி து³க்க²க்க²யமச்சுதங் பத³ங்;
தமாஹு³ணெய்யங் ஸுஸமாவறிதிந்த³ரியங்,
நமாமி ஸங்க⁴ங் முனிராஜஸாவகங்.
4. விபு⁴ஸயங் காளகனாக³ரன்வ யங்,
பரக்கமோ காருணிகோ சமூபதி;
க³வேஸமானோ ஜினஸாஸனஸ்ஸ யோ,
விருள்ஹிமத்த²ஞ்ச ஜனஸ்ஸ பத்த²யங்.
5. ஸுதா⁴மபூகா²மல பண்டு³வங்ஸஜங்,
விருள்ஹஸத்³த⁴ங் முனிராஜஸாஸனே;
பியங் வத³ங் நீதிபதா²னுவத்தினிங்,
ஸதா³ பஜானங் ஜனிகங்³வ மாதரங்.
6. பியங் பரக்கந்திபு⁴ஜஸ்ஸ ராஜினோ,
மஹேஸி மச்சன்னதகு²த்³தி⁴ஸம்பத³ங்;
விதா⁴ய லீலாவதிமிச்சி²தத்த²த³ங்,
அஸேஸ லங்காதலரஜ்ஜலக்கி²யங்.
7. குமாரமாராதி⁴தஸாது⁴மந்தினங்,
மஹாத³யங் பண்டு³னரிந்த³ வங்ஸஜங்;
விதா⁴ய ஸத்³த⁴ங் மது⁴ரிந்த³னாமகங்,
ஸுஸிக்கீ²தங் பாவசனே கலாஸு ச.
8. நரிந்த³ஸுஞ்ஞங் ஸுசிரங் திஸ்ஹளங்,

இதிப்பதீதங் அயஸங் அபானுதி³;
சிரங் பணீதேன ச சிவராதி³னா,
ஸுஸஞ்ஞதே ஸங்யமினோ அதப்பயி.

9. சிரட்டி²திங் பாவசனஸ்ஸ இச்ச²தா,
கதஞ்ஞனா விக்கம பு³த்³தி³ஸாலினா;
ஸதீமதா சந்தி³ம ப³ந்து⁴கித்தினா,
ஸகா³ரவங் தேன³பீ⁴யாசிதோ அஹங்.
10. ஸதே³ஸ பா⁴ஸாய கவீஹி ஸீஹளே,
கதம்பி வங்ஸங் ஜினத³ந்ததா⁴துயா;
நிருத்தியா மாக³தி⁴காய வுத்³தி⁴யா,
கரோமி தீ³பந்தரவாஸினங் அபி.
11. ஜீனோ³யமித்³தே⁴ அமரவ்ஹயே புரே,
கதா³சி ஹுத்வான ஸுமேத⁴னாமகோ;
ஸவேத³வேத³ங்க³விபா⁴க³கோவிதோ³,
மஹத்³த⁴னே விப்பகுலம்ஹி மாணவோ.
12. அஹஞ்ஹி ஜாதிப்³யஸனேன பீளிதோ,
ஜராபி⁴பு⁴தோ மரணேன ஒத்த²டோ;
ஸிவங் பத³ங் ஜாதிஜராதி³னிஸ்ஸடங்,
க³வேஸயிஸ்ஸங்³தி ரஹோ விசிந்திய.
13. அனேகஸங்க³ங் த⁴னத⁴ஞ்ஞஸம்பத³ங்,
பதிட்ட²பெத்வா கபணேஸி து³ச்சஜங்;
அனப்பகே பேமப⁴ரானுப³ந்தி⁴னோ,
விஹாய மித்தே ச ஸுதேச ப³ந்த⁴வே.
14. பஹாய காமே நிகி²லே மனோரமே,
க⁴ராபி⁴னிக்க²ம்ம ஹிமாசலந்திகே;
மஹீத⁴ரங் த⁴ம்மிகனாம விஸ்ஸுதங்,
உபேச்ச நானாதருராஜிபு⁴ஸிதங்.
15. மனோனுகூலே ஸுரராஜனிம்மீதே,
அஸம்மிகா³னங் அக³திம்ஹி அஸ்ஸமே;
நிவத்தசீரோ அஜினக்கி²பங் வஹங்,
ஜடாத⁴ரோ தாபஸ வேஸமக்³க³ஹீ.
16. ஸுஸஞ்ஞதத்தோபரிவாரி திந்த³ரியோ,

ப²லாப²லாதீ³ஹி பவத்தயங் தனுங்;
க³தோ அபி்⁴ஞ்சு³ஞாஸு ச பாரமிங் வஸீ,
தஹிங் ஸமாபத்தி ஸுக²ங் அவிந்தி³ ஸோ.

17. ஸுஸஜ்ஜிதே ரம்மபுராதி்⁴வாஸினா,
மஹாஜனேன'த்தமனேன அஞ்ஜஸே;
பத²ப்பதே³ஸே அபி்⁴யந்தமத்தனோ,
அனிட்டி²தேயேவ ஸுமேத்⁴ தாபஸோ.
18. அகா³த்⁴ஞெய்யோத³தீ்⁴பாரத³ஸ்ஸினங்,
ப்⁴வந்தகு³ங் நிப்³ப³னத²ங் வினாயகங்;
அனேககீ²ணாஸவலக்க²ஸேவிதங்,
கதா³ சி தீ³பங்கரபு³த்³த்⁴மத்³த³ஸ.
19. ததோ ஸஸங்க்⁴ஸ்ஸ திலோகப்⁴த்துனோ,
பரிச்சஜித்வான தனும்பி ஜீவிதங்;
பஸாரயித்வான ஜடாஜினாதி³கங்,
விதா்⁴ய ஸேதுங் தனுமேவ பல்லலே.
20. அனக்கமித்வா கலலங் மஹாத³யே,
ஸபி்⁴க்கு²கோ க³ச்சது பிட்டி²யா இதி;
அதி்⁴ட்ட²ஹித்வான நிபன்னகோ தஹிங்,
அனாத² மேதங் திப்⁴வங் ஸமெக்கி²ய.
21. த³யாய ஸஞ்சோதி³தமானஸோ ஜனே,
ப்⁴வண்ணவா உத்³த்⁴ரிதுங் து³க²த்³தி³தே;
அகாஸி ஸம்போ³தி்⁴பத³ஸ்ஸ பத்தியா,
மஹாபி்⁴னீஹாரமுத³க்³க³விக்கமோ.
22. அதோ² விதி³த்வா வஸினோ தமாஸயங்,
அதா³ஸி ஸோ வ்யாகரணங் மஹாமுனி;
ததோ புரங் தம்ஹி ததா²க³தே க³தே,
ஸயங்வஸீ ஸம்மஸி பாரமிகு³ணே.
23. ததோ ச கப்பானமலீனவிக்கமோ,
அஸங்கி²யே ஸோ சதுரோ ஸலக்க²கே;
தஹிங் தஹிங் ஜாதிஸு போ³தி்⁴பாசனே,
விஸுத்³த்⁴ஸம்பா்⁴ரகு³ணே அபுரயி;
அதா²பி்⁴ஜாதோ துஸிதே மஹாயஸோ,
விஸுத்³த்⁴ஸம்போ³தி்⁴பதோ³பலத்³தி்⁴யா;

உதி³க்க²மானோ ஸமயங் த³யாத⁴னோ,
சிரங் விபு⁴திங் அனுபோ⁴ஸி ஸப்³புஸோ.

25. ஸஹஸ்ஸஸங்கா² த³ஸசக்கவாலதோ,
ஸமாக³தானேகஸுராதி⁴பாதி³ஹி;
உத³க்³கு³த³க்³கே³ஹி ஜினத்தபத்தியா,
ஸகா³ரவங் ஸோ அபி⁴க³ம்ம யாசிதோ.
26. ததோ சவித்வா கபிளவ்ஹயே புரே,
ஸதா³ ஸதோ ஸக்யகுலேககேதுனோ;
அஹோஸி ஸுத்³தோ⁴த³னபு⁴மிப⁴த்துனோ,
மஹாதி³மாயாய மஹேஸியா ஸுதோ.
27. விஜாதமத்தோ¹வ வஸுந்த⁴ராய ஸோ,
பதிட்ட²ஹித்வான தி³ஸா விலோகயீ;
ததா³ அஹேஸுங் விவடங்க³னா தி³ஸா,
அபூஜயுங் தத்த² ச தே³வமானுஸா.
28. ஆதா⁴ரயுங் ஆதபவாரணாதி³கங்,
அதி³ஸ்ஸமானாவ நப⁴ம்பி⁴ தே³வதா;
பதா³னி ஸோ ஸத்த ச உத்தராமுகோ²,
உபேச்ச நிச்சா²ரயி வாசமாஸபி⁴ங்.
29. யத²த்த²ஸித்³த⁴த்தகுமாரனாமகோ,
மஹப்³புலோ யொப்³புனஹாரிவிக்³க³ஹோ;
உதுத்தயானுச்ச²விகேஸு தீஸு ஸோ,
நுபோ⁴ஸி பாஸாத³வரேஸு ஸம்பத³ங்.
30. கதா³சி உய்யானபதே² ஜராஹதங்,
ததா²துரங் காலகதஞ்ச ஸங்யமிங்;
கமேன தி³ஸ்வான விரத்தமானஸோ,
ப⁴வேஸு ஸோ பப்³புஜிதுங் அகாமயி.
31. ஸபுப்ப²தீ³பாதீ³கரேஹி ரத்தியங்,
புரக்க²தோ ஸோ திதி³வாதி⁴வாஸிஹி;
ஸசன்னகோ கந்தகவாஜியானதோ,
ததோ மஹாகாருணிகோ¹பி⁴னிக்க²மி.
32. கமேன பத்வான அனோமமாபக³ங்,
ஸுதோ⁴தமுத்தாப²லஹாரிஸேகதே;

பதிட்ட²ஹித்வா வரமோளிப³ந்த⁴னங்,
ஸிதாஸிலுனங் க³க³னே ஸமுக்கி²பீ.

33. படிக்க³ஹெத்வா தித³ஸானமிஸ்ஸரோ,
ஸுவண்ணசங்கோ³டவரேன தங் ததா³;
தியோஜனங் நீலமணீஹி சேதியங்,
அகாஸி சூளாமணிமத்தனோ புரே.
34. ததோ க⁴டகாரஸரோஜயோனிநா,
ஸமாஹடங் தா⁴ரயீ சீவராதி³கங்;
அதோ² ஸகங் வத்த²யுக³ங் நப⁴த்த²லே,
பஸத்த²வேஸக்க³ஹனோ ஸமுக்கி²பீ.
35. படிக்க³ஹெத்வான தமம்பு³ஜாஸனோ,
மஹித்³தி⁴கோ ப⁴த்திப⁴ரேன சோதி³தோ;
ஸகே ப⁴வே த்³வாத³ஸயோஜனங் அகா,
மணீஹி நீலாதி³ஹி து³ஸ்ஸசேதியங்.
36. ஸுஸஞ்ஞதத்தோ ஸதிமா ஜிதிந்த³ரியோ,
வினீதவேஸோ ரஸகே³த⁴வஜ்ஜிதோ;
ச²ஹாயனானேவ அனோமவிக்கமோ,
மஹாபதா⁴னங் பத³ஹித்த² து³க்கரங்.
37. விஸாக²மாஸஸ்ஸத² புண்ணமாஸியங்,
உபேச்ச மூலங் ஸஹஜாய போ³தி⁴யா;
திணாஸனே சுத்³த³ஸஹத்த²ஸம்மிதே,
அதி⁴ட்ட²ஹித்வா விரியங் நிஸஜ்ஜி ஸோ.
38. அவத்த²ரந்திங் வஸுத⁴ங்ச அம்பு³ரங்,
விருபவேஸக்க³ஹனேன பி⁴ங்ஸனங்;
பகம்பயந்தோ ஸத⁴ராத⁴ரங் மஹிங்,
ஜினோ பதோ³ஸேஜினி மாரவாஹிணிங்.
39. ஸுராஸுரப்³ரஹ்மக³னேஹி ஸஜ்ஜிதே,
ஜகத்தயே புப்ப²மயக³கி⁴காதி³னா;
பவத்தமானே ஸுரது³ந்து³பி⁴ஸ்ஸரே,
அபுஜ்ஜி²போ³தி⁴ங் ரஜனிபரிக்க²யே.
40. ததா³ பகம்பிங்ஸு ஸஸேலகானநா,
ஸஹஸ்ஸஸங்கா² த³ஸலோகதா⁴துயோ;

அக³ஞ்ஜி ஸோ லோணபயோதி⁴ ஸாது⁴தங்,
மஹாவபா⁴ஸோ பு⁴வனேஸு பத்த²ரீ.

41. லபி⁴ங்ஸு அந்தா⁴ விமலே விலோசனே,
ஸுணிங்ஸு ஸத்³தே³ ப³தி⁴ராபி ஜாதியா;
லபிங்ஸு மூகா³ வசனேன வக்³கு³னா,
சரிங்ஸு கே²லங் பத்³ஸா'வ பங்³கு³லா.
42. ப⁴விங்ஸு கு²ஜ்ஜா உஜுஸொம்மவிக்³க³ஹா,
ஸிகீ²பி நிப்³பா³யி அவீசிஆதி³ஸு;
அபாக³முங் ப³ந்த⁴னதோ'பி ஜந்தவோ,
கு²தா³தி³கங் பேதப⁴வா அபக்கமீ.
43. ஸமிங்ஸு ரோக³வ்யஸனானி பாணிநங்,
ப⁴யங் திரச்சானக³தே ந பீளயீ;
ஜனா அஹேஸுங் ஸகி²லா பியங்வதா³,
பவத்தயுங் கோஞ்சனத³ங் மதங்க³ஜா.
44. ஹயா ச ஹேஸிங்ஸு பஹட்ட²மானஸா,
நதி³ங்ஸு ஸப்³பா³ ஸயமேவ து³ந்து³பீ⁴;
ரவிங்ஸு தே³ஹாப⁴ரணானி பாணிநங்,
தி³ஸா பஸீதி³ங்ஸு ஸமா ஸமந்ததோ.
45. பவாயி மந்தோ³ ஸுக²ஸீதமாருதோ,
பவஸ்ஸி மேகோ⁴பி அகாலஸம்ப்³வோ;
ஜஹிங்ஸு ஆகாஸக³திங் விஹங்க³மா,
மஹிங் ஸமுபி⁴ஜ்ஜஜலங் ஸமுட்ட²ஹீ.
46. அஸந்த³மானா'வ டி²தா ஸவந்தியோ,
நபே⁴ விரோசிங்ஸு அஸேஸஜோதியோ;
ப⁴வா அஹேஸுங் விவடா ஸமந்ததோ,
ஜனஸ்ஸ நாஸுங் வசனூபபத்தியோ.
47. ஸமெக்க²தங் நாவரணா நகா³த³யோ,
பவாயி க³ந்தோ⁴ அபி தி³ப்³ஸம்மதோ;
து³மா அஹேஸுங் ப²லபுப்² தா⁴ரினோ,
அஹோஸி ச²ன்னோ கமலேஹி அண்ணவோ.
48. த²லேஸு தோயேஸு ச புப்²மானகா,
விசித்தபுப்²பா² விகஸிங்ஸு ஸப்³ப³தா²;

நிரந்தரங் புப்ப²ஸுக³ந்த⁴வுட்டி²யா,
அஹோஸி ஸப்³பங் வஸுத⁴ம்ப³ரன்னரங்.

49. நிஸஜ்ஜ பல்லங்கவரே தஹிங் ஜினோ,
ஸுக²ங் ஸமாபத்திவிஹாரஸம்ப⁴வங்;
ததோ²நுபொ⁴ந்தோ ஸுசிராபி⁴பத்தி²தங்,
தி³னானி ஸத்தேவ அதிக்மாபயீ.
50. ஸமுப்பதித்வா க³க³ணங்க³னங் ததோ,
பத³ஸ்ஸயித்வா யமகங் மஹாமுனி;
ஸபாடிஹீரங் திதி³வாதி⁴வாஸினங்,
ஜினத்தனே ஸங்ஸயிதங் நிராகரி.
51. அதோ²தரித்வான ஜயாஸனஸ்ஸ ஸோ,
டி²தோ²வ புப்³பு³த்தரகண்ணனிஸ்ஸிதோ;
தி³னானி ஸத்தானிமிஸேன சக்ஞ²னா,
தமாஸனங் போ³தி⁴தருங்ஸ²பூஜயி.
52. அத²ந்தராளே மணிசங்கமே ஜினோ,
டி²தப்பதே³ஸஸ்ஸ ச ஆஸனஸ்ஸ ச;
மஹாரஹே தே³வவராபி⁴னிம்மிதே,
தி³னானி ஸத்தேவ அகாஸி வங்கமங்.
53. ததோ தி³ஸாயங் அபராய போ³தி⁴யா,
உபாவிஸித்வா ரதனாலயே ஜினோ;
ஸமந்தபட்டா²னநயங் விசிந்தயங்,
தி³னானி ஸத்தேவ ஸவீதினாமயி.
54. வினிக்³க³தோ ஸத்து²ஸரீரதோ ததா³,
ஜுதிப்பபு³ந்தோ⁴ படிபு³ந்த⁴வஜ்ஜிதோ;
பமாணஸுஞ்ஞாஸு ச லோகதா⁴துஸு,
ஸமந்ததோ உத்³த⁴மதோ⁴ ச பத்த²ரீ.
55. வடஸ்ஸ மூலே அஜபாலஸஞ்ஞினோ,
ஸுக²ங் பு²ஸந்தோ பவிவேகஸம்ப⁴வங்;
வினாயகோ ஸத்த விஹாஸி வாஸரே,
அனந்தத³ஸ்ஸ ஸுரராஜபூஜிதோ.
56. விஹாஸி மூலே முசலிந்த³ஸாகி²னோ,
நிஸஜ்ஜ போ⁴கா³வலிமந்தி³ரோத³ரே;

விகிண்ணபுப்பே² முசலிந்த³போ⁴கி³னோ,
ஸமாதி⁴னா வாஸரஸத்தகங் ஜினோ.

57. து³மே⁴பி ராஜாயதனே ஸமாதி⁴னா,
விஹாஸி ரத்திந்தி³வ ஸத்தகங் முனி;
ஸஹஸ்ஸனெத்தோ அத² த³ந்தபோணகங்,
முகோ²த³கஞ்சாபி அதா³ஸி ஸத்து²னோ.
58. ததோ மஹாராஜவரேஹி ஆப⁴தங்,
ஸிலாமயங் பத்த சதுக்கமேககங்;
விதா⁴ய மத்த²ங் மது⁴பிண்டி³கங் தஹிங்,
படிக்க³ஹெத்வான ஸவாணிஜாஹடா.
59. கதன்னகிச்சோ ஸரணேஸு தே உபோ⁴,
பதிட்ட²பெத்வான தபஸ்ஸுப⁴ல்லிகே;
அதா³ஸி தேஸங் அபி⁴பூஜிதுங் ஸகங்,
பராமஸித்வான ஸிரங் ஸிரோருஹே.
60. வடஸ்ஸமுலே அஜபாலஸஞ்ஞினோ,
ஸஹம்பதீப்³ரஹ்மவரேன யாசிதோ;
ஜனஸ்ஸ காதுங் வரத⁴ம்மஸங்க³ஹங்,
அக³ஞ்சி² பா³ராணஸிமேககோ முனி.
61. க³ந்த்வா ஸோ த⁴ம்மராஜா வனமிஸிபதனங் ஸஞ்ஞதானங் நிகேதங்,
பல்லங்கஸ்மிங் நிஸின்னோ தஹிமவிசலிதட்டா²னஸம்பாதி³தம்ஹி;
ஆஸாள்ஹே புண்ணமாயங் ஸிதருசிருசியா ஜோதிதே சக்கவாளே,
தே³வப்³ரஹ்மாதி³கானங் து³ரிதமலஹரங் வத்தயி த⁴ம்மசக்கங்.
62. ஸுத்வா ஸத்³த⁴ம்மமக்க³ங் திபு⁴வனகுஹராபோ⁴க³வித்தா²ரிகங் தங்,
அஞ்ஞாகொண்ட³ஞ்ஞனாமத்³விஜமுனிபமுகா²ட்டா²ரஸப்³ரஹ்மகோடி;
அஞ்ஞாஸுங் மக்³க³த⁴ம்மங் பரிமிதரஹிதே சக்கவாளே உளாரோ,
ஓபா⁴ஸோ பாதுபு⁴தோ ஸபதி³ ப³ஹுவித⁴ங் ஆஸி அச்சே²ரகஞ்ச.

பட²மோ பரிச்சே²தோ³.

63. ததோ பட்டா²ய ஸோ ஸத்தா² வினெந்தோ தே³வமானுஸே,
போ³தி⁴தோ பு²ஸ்ஸமாஸம்ஹி நவமே புண்ணமாஸியங்.
64. லங்கமாக³ம்ம க³ங்கா³ய தீரே யோஜனவித்த²தே,
மஹானாக³வனுய்யானே ஆயாமேன தியோஜனே.

65. யக்கா²னங் ஸமிதிங் க³ந்த்வா ட²த்வான க³க³னே தஹிங்;
வாதந்த⁴காரவுட்டி²ஹி கத்வா யக்கே² ப⁴யத்தி³தே.
66. லத்தா⁴ப⁴யேஹி யக்கே²ஹி தேஹி தி³ன்னாய பு⁴மியா;
சம்மக²ண்ட³ங் பஸாரெத்வா நிஸீதி³த்வான தங்க²னே.
67. சம்மக²ண்ட³ங் பதி³த்தக்³கி³ ஜாலாமாலாஸமாகுலங்;
இத்தி⁴யா வட்³ட⁴யித்வான யாவ ஸிந்து⁴ங் ஸமந்ததோ.
68. ஜவேன ஸிந்து⁴வேலாய ராஸிபு⁴தே நிஸாசரே;
கிரிதீ³பமிதா⁴னெத்வா பதிட்டா²பேஸி தே தஹிங்.
69. தே³ஸயித்வா ஜினோ த⁴ம்மங் ததா³ தே³வஸமாக³மே;
ப³ஹுன்னங் பாணகோடனங் த⁴ம்மாபி⁴ஸமயங் அகா.
70. மஹாஸுமனதே³வஸ்ஸ ஸேலே ஸுமனகூடகே;
த³த்வா நமஸ்ஸிதுங் கேஸே அகா³ ஜேதவனங் ஜினோ.
71. பதிட்ட²பெத்வா தே ஸத்து² நிஸின்னாஸனபு⁴மியங்;
இந்த³னீலமயங் தூ²பங் கரித்வா ஸோ அபுஜயி.
72. நிஸ்ஸாய மணிபல்லங்கங் பப்³ப³தண்ணவவாஸினோ;
தி³ஸ்வா யுத்³த⁴த்தி²கே நாகே³ துளோத³ர மஹோத³ரே.
73. போ³தி⁴தோ பஞ்சமே வஸ்ஸே சித்தமாளே மஹாமுனி;
உபோஸதே² காலபக்கே² நாகதீ³பமுபாக³மீ.
74. ததா³ ஸமித்தி⁴ஸுமனோ தே³வோ ஜேதவனே டி²தங்;
அத்தனோ ப⁴வனங்யேவ ராஜாயதனபாத³பங்.
75. இந்த³னீலத்தி³கூடங்'வ க³ஹெத்வாதுட்ட²மானஸோ;
தா⁴ரயித்வா ஸஹாக³ஞ்சி² ச²த்தங் கத்வான ஸத்து²னோ.
76. உபி⁴ன்னங் நாக³ராஜனங் வத்தமானே மஹாஹவே;
நிஸின்னோ க³க³னே நாதோ² மாபயித்த² மஹாதமங்.
77. ஆலோகங் த³ஸ்ஸயித்வாத² அஸ்ஸாஸெத்வான போ⁴கி³னோ;
ஸாமக்³கி³கரணங் த⁴ம்மங் அபா⁴ஸி புரிஸாஸபோ⁴.
78. அஸீதிகோடியோ நாகா³ அசலம்பு³தி⁴வாஸினோ;

பதிட்ட²ஹிங்ஸு முதி³தா ஸீலேஸு ஸரணேஸு ச.

79. த³த்வான மணிபல்லங்கங் ஸத்து²னோ பு⁴ஜகா³தி⁴பா;
தத்தா²ஸீனங் மஹாவீரங் அன்னபானேஹி தப்பயுங்.
80. பதிட்ட²பெத்வா ஸோ தத்த² ராஜாயதனபாத³பங்;
பல்லங்கங் தஞ்ச நாகா³னங் அதா³ஸி அபி⁴பூஜிதுங்.
81. போ³தி⁴தோ அட்ட²மே வஸ்ஸே வேஸாகே² புண்ணமாஸியங்;
மணிஅக்கி²கனாமேன நாகி³ந்தே³ன நிமந்திதோ.
82. நாக³ராஜஸ்ஸ தஸ்ஸேவ ப⁴வனங் ஸாது⁴ ஸஜ்ஜீதங்;
கல்யாணியங் பஞ்சபி⁴க்க² ஸதேஹி ஸஹ ஆக³மி.
83. கல்யாணிசேதியட்டா²னே கதே ரதன மண்ட³பே;
மஹாரஹம்ஹி பல்லங்கே உபாவிஸி நராஸபோ⁴.
84. தி³ப்³பே³ஹி க²ஜ்ஜபோ⁴ஜ்ஜேஹி ஸஸங்க⁴ங் லோகனாயகங்;
ஸந்தப்பேஸி ப²ணிந்தோ³ ஸோ பு⁴ஜங்கே³ஹி புரக்க²தோ.
85. தே³ஸயித்வான ஸத்³த⁴ம்மங் ஸக்³க³மொக்க²ஸுகா²வஹங்;
ஸோ ஸத்தா² ஸுமனே கூடே த³ஸ்ஸேஸி பத³லஞ்ச²னங்.
86. ததோ பப்³பதபாத³ம்ஹி ஸஸங்கோ⁴ ஸோ வினாயகோ;
தி³வாவிஹாரங் கத்வான தீ³க⁴வாபிங் உபாக³மி.
87. தூ²பட்டா²னே தஹிங் பு³த்³தோ⁴ ஸஸங்கோ⁴பி⁴னிஸீதி³ய;
ஸமாபத்தி ஸமுப³பு⁴தங் அவிந்தி³ அஸமங் ஸுக²ங்.
88. மஹாபோ³தி⁴தருட்டா²னே ஸமாதி⁴ங் அப்பயி ஜினோ;
மஹாதூ²பப்பதே³ஸே ச விஹரித்த² ஸமாதி⁴னா.
89. தூ²பாராமம்ஹி தூ²பஸ்ஸ டா²னே ஜா²னஸுகே²ன ஸோ;
ஸபி⁴க்கு²ஸங்கோ⁴ ஸம்பு³த்³தோ⁴ முஹுத்தங் வீதினாமயீ.
90. ஸிலாது²பப்பதே³ஸம்ஹி ட²த்வாகாலாவிதூ³ முனி;
தே³வே ஸமனுஸாஸித்வா ததோ ஜேதவனங் அகா³.
91. அகி³த்³தோ⁴ லாப⁴ஸக்காரே அஸய்ஹமவமானநங்;
ஸஹந்தோ கேவலங் ஸப்³ப³ லோகனித்த²ரணத்தி²கோ.

92. ஸங்ஙவச்ச²ரானி ட²த்வான சத்தாளீஸஞ்ச பஞ்ச ச;
தே³ஸயித்வான ஸுத்தாதி³ நவங்க³ங் ஸத்து²ஸாஸனங்.
93. தாரெத்வா ப⁴வகந்தாரா ஜனே ஸங்க்யாதிவத்தினோ;
பு³த்³த⁴கிச்சானி ஸப்³பா³னி நிட்டா²பெத்வான சக்கு²மா.
94. குஸினாராபுரே ரஞ்ஞங் மல்லானமுபவத்தனே;
ஸாலவனம்ஹி யமகஸாலருக்கா²னமந்தரே.
95. மஹாரஹே ஸுபஞ்ஞத்தே மஞ்சே உத்தரஸீஸகங்;
நிபன்னோ ஸீஹஸெய்யாய வேஸாகே² புண்ணமாஸியங்.
96. தே³ஸெத்வா பட²மே யாமே மல்லானங் த⁴ம்மமுத்தமங்;
ஸுப⁴த்³த³ங் மஜ்ஜி²மே யாமே பாபெத்வா அமதங் பத³ங்.
97. பி⁴க்கு² பச்சி²மயாமம்ஹி த⁴ம்மக்க²ந்தே⁴ அஸேஸகே;
ஸங்க்யஹ ஓவதி³த்வான அப்பமாத³ பதே³ன ச.
98. பச்சுஸஸமயே ஜா²னஸமாபத்திவிஹாரதோ;
உட்டா²ய பரினிப்³பா³யி ஸேஸோபாதி³விவஜ்ஜிதோ.
99. மஹீகம்பாத³யோ ஆஸுங் ததா³ அச்ச²ரியாவஹா;
பூஜாவிஸேஸா வத்திங்ஸு தே³வமானுஸகா ப³ஹு.
100. பரினிப்³பா³ணஸுத்தந்தே வுத்தானுக்கமதோ பன;
பூஜாவிஸேஸோ விஞ்ஞெய்யோ இச்ச²ந்தேஹி அஸேஸதோ.
101. அஹதேஹி ச வத்தே²ஹி வேடெ²த்வா பட²மங் ஜினங்;
வேட²யித்வான கப்பாஸபிசுனா விஹதேன ச.
102. ஏவங் பஞ்சஸதக்க²த்துங் வேட²யித்வான ஸாது⁴கங்;
பக்கி²பித்வா ஸுவண்ணாய தேலபுண்ணாய தோ³ணியா.
103. வீஸங்ஹத்த²ஸதுப்³பே³த⁴ங் க³ந்த⁴தா³ருஹி ஸங்க²தங்;
ஆரோபயிங்ஸு சிதகங் மல்லானங் பமுகா² ததா³.
104. மஹாகஸ்ஸபதே²ரேன த⁴ம்மராஜே அவந்தி³தே;
சிதகங் மா ஜலித்தா²தி தே³வதி⁴ட்டா²னதோ பன.
105. பாமொக்கா² மல்லராஜுனங் வாயமந்தோப'நேகதா⁴;

சிதகங் தங் ந ஸக்கி²ங்ஸு கா³ஹாபேதுங் ஹுதாஸனங்.

106. மஹாகஸ்ஸபதே²ரேன அதி⁴ட்டா²னேன அத்தனோ;
வத்தா²தீ³னி மஹாதோ³ணிங் சிதகஞ்ச மஹாரஹங்.
107. த்³விதா⁴ கத்வான நிக்க²ம்ம ஸகஸீஸே பதிட்டி²தா;
வந்தி³தா ஸத்து²னோ பாதா³ யதா²ட்டா²னே பதிட்டி²தா.
108. ததோ தே³வானுபா⁴வேன பஜ்ஜலித்த² சிதானலோ;
ந மஸி ஸத்து²தே³ஹஸ்ஸ த³ட்³ட⁴ஸ்ஸாஸி ந சா²ரிகா.
109. தா⁴துயோ அவஸிஸ்ஸிங்ஸு முத்தாபா⁴ கஞ்சனப்பபா⁴;
அதி³ட்டா²னேன புத்³த⁴ஸ்ஸ விப்பகின்ணா அனேகதா⁴.
110. உண்ஹீஸங் அக்க²கா த்³வே ச சதஸ்ஸோ த்³ந்ததா⁴துயோ;
இச்சேதா தா⁴துயோ ஸத்த விப்பகின்ணா ந ஸத்து²னோ.
111. ஆகாஸதோ பதித்வாபி உக்³கந்த்வாபி மஹீதலா;
ஸமந்தா ஜலதா⁴ராயோ நிப்³பா³பேஸுங் சிதானலங்.
112. தே²ரஸ்ஸ ஸாரிபுத்தஸ்ஸ அந்தேவாஸி மஹித்³தி⁴கோ;
ஸரபு⁴னாமகோ தே²ரோ பபி⁴ன்ன படிஸம்பி⁴தோ³.
113. கீவாதா⁴துங் க³ஹெத்வான சித்தோ மஹியங்க³ணே;
பதிட்ட²பெத்வா தூ²பம்ஹி அகா கஞ்சகசேதியங்.
114. கே²மவ்ஹயோ காருணிகோ கீ²ணஸங்யோஜனோ முனி;
சிதகா தோ ததோ வாமதா³டா²தா⁴துங் ஸமக்³க³ஹி.
115. அட்ட²ன்னமத² ராஜுனங் தா⁴துஅத்தா²ய ஸத்து²னோ;
உப்பன்னங் விக்³க³ஹங் தோ³ணோ ஸமெத்வான த்³விஜுத்தமோ.
116. கத்வான அட்ட² கொட்டா²ஸே பா⁴ஜெத்வா ஸேஸதா⁴துயோ;
அதா³ஸி அட்ட²ராஜுனங் தங் தங் நக³ரவாஸினங்.
117. ஹட்ட²துட்டா² க³ஹெத்வான தா⁴துயோ தா நராதி⁴பா;
கந்த்வா ஸகே ஸகே ரட்டே² சேதியானி அகாரயுங்.
118. ஏகா தா³டா² ஸூரிந்தே³ன ஏகா கந்தா⁴ரவாஸிஹி;
ஏகா பு⁴ஜங்க³ராஜுஹி ஆஸி ஸக்கதபூஜிதா.

119. த³ந்ததா⁴துங் ததோ கே²மோ அத்தனா க³ஹிதங் அதா³;
த³ந்தபுரே கலிங்க³ஸ்ஸ ப்³ரஹ்மத³த்தஸ்ஸ ராஜினோ.
120. தே³ஸயித்வான ஸோ த⁴ம்மங் பெ⁴த்வா ஸப்³பா³ குதி³ட்டி²யோ;
ராஜானங் தங் பஸாதே³ஸி அக்³க³ம்பீ⁴ ரதனத்தயே.
121. அஜ்ஜோ²கா³ள்ஹோ முனிந்த³ஸ்ஸ த⁴ம்மாமதமஹண்ணவங்;
ஸோ நரிந்தோ³பவாஹேஸி மலங் மச்ச²ரியாதி³கங்.
122. பாவுஸ்ஸகோ யதா² மேகோ⁴ நானா ரதனவஸ்ஸதோ;
தா³ளித்தி³யனிதா³க⁴ங் ஸோ நிப்³பா³பேஸி நருத்தமோ.
123. ஸுவண்ணக²சிதாலம்ப³ முத்தாஜாலேஹி ஸோபி⁴தங்;
கூடாகா³ரஸதா³கீண்ணங் தருணாதி³ச்சஸன்னிப⁴ங்.
124. நானாரதனஸோபா⁴ய து³திக்க²ங் சக்கு²முஸனங்;
யானங் ஸக்³கா³பவக்³ஸ்ஸ பஸாதா³திஸயாவஹங்.
125. காரயித்வான ஸோ ராஜா தா³டா²தா⁴துனிவேஸனங்;
தா⁴துபீ²ஞ்ச தத்தே²வ காரெத்வா ரதனுஜ்ஜலங்.
126. தஹிங் ஸமப்பயித்வான தா³டா²தா⁴துங் மஹேஸினோ;
பூஜாவத்தா²ஹி பூஜேஸி ரத்திந்தி³வமதந்தி³தோ.
127. இதி ஸோ ஸஞ்சினித்வான புஞ்ஞஸம்பா⁴ர ஸம்பத³ங்;
ஜஹித்வா மானுஸங் தே³ஹங் ஸக்³க³காயமலங்கரி.
128. அனுஜாதோ ததோ தஸ்ஸ காஸிராஜவ்ஹயோ ஸுதோ;
ரஜ்ஜங் லத்³தா⁴ அமச்சானங் ஸோகஸல்லமபானு³.
129. புப்ப²க³ந்தா⁴தி³னா த³ந்ததா⁴துங் தமபி⁴பூஜிய;
நிச்சங் மணிப்பதி³பேஹி ஜோதயி தா⁴துமந்தி³ரங்.
130. இச்சேவமாதி³ங் ஸோ ராஜா கத்வா குஸலஸஞ்சயங்;
ஜஹித்வான நிஜங் தே³ஹங் தே³விந்த³புரமஜ்ஜ²கா³.
131. ஸுனந்தோ³ நாம ராஜிந்தோ³ ஆனந்த³ஜனநோ ஸதங்;
தஸ்ஸத்ரஜோ ததோ ஆஸி பு³த்த⁴ஸாஸனமாமகோ.
132. ஸம்மானெத்வான ஸோ த³ந்ததா⁴துங் ஞெய்யந்தத³ஸ்ஸினோ;

மஹதா ப⁴த்தியோகே³ன அகா³ தே³வஸஹவ்யதங்.

133. ததோ பரஞ்ச அஞ்ஞே¹பி ப³ஹவோ வஸுதா⁴தி⁴பா;
த³ந்ததா⁴துங் முனிந்த³ஸ்ஸ கமேன அபி⁴பூஜயங்.
134. கு³ஹஸீவவ்ஹயோ ராஜா து³ரதிக்கம ஸாஸனோ;
ததோ ரஜ்ஜஸிரிங் பத்வா அனுக்³ண்ஹி மஹாஜனங்.
135. ஸபரத்தா²னபி⁴ஞ்ஞே ஸோ லாப⁴ஸக்காரலோலுபே;
மாயாவினோ அவிஜ்ஜந்தே⁴ நிக³ன்டே² ஸமுபட்ட²ஹி.
136. வஸ்ஸாரத்தே யதா² சந்தோ³ மோஹக்க²ந்தே⁴ன ஆவடோ;
நாஸக்கீ² கு³ணரங்ஸீஹி ஜலிதுங் ஸோ நராஸபோ⁴.
137. த⁴ம்மமக்³கா³ அபேதே¹பி பவிட்டே² தி³ட்டி²கானநங்;
தஸ்மிங் ஸாது⁴பத²ங் அஞ்ஞே நாதிவத்திங்ஸு பாணினோ
138. ஹேமதோரணமாலாஹி த⁴ஜேஹி கத³லிஹி ச;
புப்ப²க³கி⁴யேஹி¹நேகேஹி ஸஜ்ஜெத்வா நாக³ரா புரங்
139. மங்க³லத்து²தி கோ⁴ஸேஹி நச்சகீ³தாதி³கேஹி ச;
ஹேமருபியபுப்பே²ஹி க³ந்த⁴சண்ணாதி³கேஹி ச.
140. பூஜெந்தா முனிராஜஸ்ஸ தா³டா²தா⁴துங் குதா³சனங்;
அகங்ஸு ஏகனிக்³கோ⁴ஸங் ஸங்வட்டம்பு³தி⁴ஸன்னிப⁴ங்.
141. உக்³கா⁴டெத்வா நரிந்தோ³ ஸோ பாஸாதே³ ஸிஹபஞ்ஜரங்;
பஸ்ஸந்தோ ஜனமத்³த³க்கீ² பூஜாவிதி⁴பராயணங்.
142. அதா²மச்சஸபா⁴மஜெத்த⁴ ராஜா விம்பீ⁴த மானஸோ;
கோதுஹலாகுலோ ஹுத்வா இத³ங் வசனமப்³ரவீ.
143. அச்சே²ரகங் கிமேதன்னு கீதி³ஸங் பாடிஹாரியங்;
மமேதங் நக³ரங் கஸ்மா ச²ணனிஸ்ஸிதகங் இதி.
144. ததோ அமச்சோ ஆசிக்கி² மேதா⁴வீ பு³த்³த⁴மாமகோ;
ராஜினோ தஸ்ஸ ஸம்பு³த்தா⁴னுபா⁴வமவிஜானதோ.
145. ஸப்³பா³பி⁴பு⁴ஸ்ஸபு³த்³த³ஸ்ஸ தன்ஹாஸங்கயத³ஸ்ஸினோ;
ஏஸா தா⁴து மஹாராஜ கே²மத்தே²ரேன ஆஹடா.

146. தங் தா⁴துங் பூஜயித்வான ராஜானோ புப்³பு³கா இத⁴;
கல்யாணமித்தே நிஸ்ஸாய தே³வகாயமுபாக³முங்.
147. நாக³ராபி இமே ஸப்³பே³ ஸம்பராய ஸுகத்தி²கா;
பூஜயந்தி ஸமாக³ம்ம தா⁴துங் தங் ஸத்து²னோ இதி.
148. தஸ்ஸாமச்சஸ்ஸ ஸோ ராஜா ஸுத்வா த⁴ம்மங் ஸுபா⁴ஸிதங்;
து³ல்லத்தீ⁴மலமுஜ்ஜி²த்வா பஸீதி³ ரதனத்தயே.
149. தா⁴துபூஜங் கரொந்தோ ஸோ ராஜா அச்ச²ரியா வஹங்;
தித்தி²யே து³ம்மனே²காஸி ஸுமனே சேதரே ஜனே.
150. இமே அஹிரிகா ஸப்³பே³ ஸத்த³தா⁴தி³கு³ணவஜ்ஜிதா;
த²த்த³தா⁴ ஸடா² ச து³ப்பஞ்ஞா ஸக்³க³மொக்க²விப³ந்த⁴கா.
151. இதி ஸோ சிந்தயித்வான கு³ஹஸீவோ நராதி⁴போ;
பப்³பா³ஜேஸி ஸகா ரட்டா² நிக³ண்டே² தே அஸேஸகே.
152. ததோ நிக³ண்டா² ஸப்³பே³பி க⁴தஸித்தானலா யதா²;
கோத⁴க்³கி³ஜலிதா³க்³ஞ்ச²ங் புரங் பாடலிபுத்தகங்.
153. தத்த² ராஜா மஹாதேஜோ ஜம்பு³தீ³பஸ்ஸ இஸ்ஸரோ;
பண்டு³னாமோ ததா³ ஆஸி அனந்தப³லவாஹனோ.
154. கோத⁴ந்தா⁴த² நிக³ண்டா² தே ஸப்³பே³ பேஸுஞ்ஞுகாரகா;
உபஸங்கம்ம ராஜானங் இத³ங் வசனமப்³ரவ்ங்.
155. ஸப்³பு³தே³வமனுஸ்ஸேஹி வந்த³னீயே மஹித்³தி⁴கே;
ஸிவப்³ரஹ்மாத³யோ தே³வே நிச்சங் தும்ஹே நமஸ்ஸத².
156. துய்ஹங் ஸாமந்தபு⁴பாலோ கு³ஹஸீவோ பனாது⁴னா;
நிந்த³ன்னோ தாதி³ஸே தே³வே ச²வட்டி²ங் வந்த³தே இதி.
157. ஸுத்வான வசனங் தேஸங் ராஜா கோத⁴வஸானுகோ³;
ஸுரங் ஸாமந்தபு⁴பாலங் சித்தயானமத²ப்³ரவீ.
158. கலிங்க³ரட்ட²ங் க³ந்த்வான கு³ஹஸீவமிதா⁴னய;
பூஜிதங் தங் ச²வட்டி²ஞ்ச தேன ரத்திந்தி³வங் இதி.
159. சித்தயானோ ததோ ராஜா மஹதிங் சதுரங்கி³னிங்;

ஸன்னயஹித்வா ஸகங் ஸேனங் புரா தம்ஹாபி⁴னிக்க²மி.

160. க³ந்த்வான ஸோ மஹீபாலோ ஸேனங்கே³ஹி புரக்க²தோ;
த³ந்தபுரஸ்ஸாவிதூ³ரே க²ந்தா⁴வாரங் நிவேஸயி.
161. ஸுத்வா ஆக³மனங் தஸ்ஸ கலிங்கோ³ ஸோ மஹிபதி;
க³ஜிந்த³பாப⁴தாதி³ஹி தங் தோஸேஸி நராதி⁴பங்.
162. ஹிதஜ்ஜா²ஸயதங் ஞத்வா கு³ஹஸீவஸ்ஸ ராஜினோ;
த³ந்தபுரங் சித்தயானோ ஸத்³தி⁴ங் ஸேனாய பாவிஸி.
163. பாகாரகோ³புரட்டாலபாஸாத³க³கி⁴கசித்திதங்;
தா³னஸாலாஹி ஸோ ராஜா ஸமித்³த⁴ங் புரமத்³த³ஸ.
164. ததோ ஸோ ஸுமனோ க³ந்த்வா பவிட்டோ² ராஜமந்தி³ரங்;
கு³ஹஸீவஸ்ஸ ஆசிக்கி² பண்டு³ராஜஸ்ஸ ஸாஸனங்.
165. ஸுத்வான ஸாஸனங் தஸ்ஸ தா³ருணங் து³ரதிக்கமங்;
பஸன்னமுக²வண்ணோ³வ சித்தயானங் ஸமப்³ரவீ.
166. ஸப்³பலோகஹிதத்தா²ய மங்ஸனெத்தாதி³தா³னதோ;
அனப்பகப்பே ஸம்பா⁴ரே ஸம்ப⁴ரித்வா அதந்தி³தோ.
167. ஜெத்வா நமுசினோ ஸேனங் பத்வா ஸப்³பா³ஸவக்க²யங்;
அனாவரணஞானேன ஸப்³பத⁴ம்மேஸு பாரகு³.
168. தி³ட்ட²த⁴ம்மஸுகஸ்ஸாத³ங் அக³ணெத்வான அத்தனோ;
த⁴ம்மனாவாய தாரேஸி ஜனதங் யோ ப⁴வண்ணவா.
169. தே³வாதிதே³வங் தங் பு³த்³த⁴ங் ஸரணங் ஸப்³பா³ணிநங்;
ஜனோ ஹி அவஜானந்தோ அத்³தா⁴ ஸோ வஞ்சிதோ இதி.
170. இச்சேவமாதி³ங் ஸுத்வான ஸோ ராஜா ஸத்து²வண்ணனங்;
ஆனந்த³ஸ்ஸுப்பப³ந்தே⁴ஹி பவேதே³ஸி பஸன்னதங்.
171. கு³ஹஸீவோ பஸன்னங் தங் சித்தயானங் உதி³க்கி²ய;
தேன ஸத்³தி⁴ங் மஹக்³க⁴ங் தங் அக³மா தா⁴துமந்தி³ரங்.
172. ஹரிசந்த³னஸம்ப⁴தங் த்வாரபா³ஹாதி³கேஹி ச;
பவாளவாளமாலாஹி லம்ப³முத்தாலதாஹி ச.

173. இந்த³னீலகவாடேஹி மணிகிங்கிணிகாஹி ச;
ஸோவண்ணகண்ணமாலாஹி ஸோபி⁴தங் மணிதூ²பிகங்.
174. உச்சங் வேலுரியுப்³பா⁴ஸி ச²த³னங் மகராகுலங்;
தா⁴துமந்தி³ரமத்³க்கி² ரதனுஜ்ஜல பீட²கங்.
175. ததோ ஸேதாதபத்தஸ்ஸ ஹெட்டா² ரதனசித்திதங்;
தி³ஸ்வா தா⁴துகரன்ட³ஞ்ச துட்டோ² விம்ப⁴யமஜ்ஜ²கா³.
176. ததோ கலிங்க³னாதோ² ஸோ விவரித்வா கரன்ட³கங்;
மஹீதலே நிறுந்த்வான த³க்கி²ணங் ஜானுமண்ட³லங்.
177. அஞ்ஜலிங் பக்³க³ஹெத்வான கு³ணே த³ஸப³லாதி³கே;
ஸரித்வா பு³த்த⁴ஸெட்ட²ஸ்ஸ அகாஸி அபி⁴யாசனங்.
178. க³ண்ட³ம்ப³ருக்க²மூலம்ஹி தயா தித்தீ²யமத்³த³னே;
யமகங் த³ஸ்ஸயந்தேன பாடிஹாரியமப்³பு⁴தங்.
179. புப்³ப³காயாதி³னிக்க²ந்தஜலானலஸமாகுலங்;
சக்கவாளங்க³ணங் கத்வா ஜனா ஸப்³பே³ பஸாதி³தா.
180. தே³ஸெத்வான தயோ மாஸே அபி⁴த⁴ம்மங் ஸுதா⁴ஸினங்;
நக³ரங் ஓதரந்தேன ஸங்கஸ்ஸங் தாவதிங்ஸதோ.
181. ச²த்தவாமரஸங்கா²தி³கா³ஹகேஹி அனேகதா⁴;
ப்³ரஹ்மதே³வாஸுராதி³ஹி பூஜிதேன தயா பன.
182. ட²த்வான மணிஸோபாணே விஸ்ஸகம்மாபி⁴னிம்மிதே;
லோகவிவரணங் நாம த³ஸ்ஸிதங் பாடிஹாரியங்.
183. ததா²னேகேஸு டா²னேஸு முனிராஜ தயாபுன;
ப³ஹுனி பாடிஹிரானி த³ஸ்ஸிதானி ஸயம்பு⁴னா.
184. பாடிஹாரியமஜ்ஜாபி ஸக்³க³மொக்க²ஸுகா²வஹங்;
பஸ்ஸந்தானங் மனுஸ்ஸானங் த³ஸ்ஸனீயங் தயா இதி.
185. அப்³பு⁴க்³ந்த்வா க³க³ண குஹரங் சந்த³லேகா²பி⁴ராமா,
விஸ்ஸஜ்ஜெந்தி ரஜத த⁴வலா ரங்ஸியோ த³ந்ததா⁴து;
தூ⁴பாயந்தி ஸபதி³ ப³ஹுதா⁴ பஜ்ஜலந்தீ முஹுத்தங்,
நிப்³பாயந்தீ நயனஸுப⁴க³ங் பாடிஹீரங் அகாஸி.

186. அச்சே²ரங் தங் பரம ருசிரங் சித்தயானோ நரிந்தோ³,
 தி³ஸ்வா ஹட்டோ² சிரபரிசிதங் தி³ட்டி²ஜாலங் ஜஹித்வா;
 க³ந்த்வா பு³த்த⁴ங் ஸரணமஸமங் ஸப்³ப³ஸேணீஹி ஸத்³தி⁴ங்,
 அக்³க³ங் புஞ்ஞங் பஸவி ப³ஹுதா⁴ தா⁴துஸம்மானநாய.

து³தியோ பரிச்சே²தோ³

187. ததோ கலிங்கா³தி⁴பதிஸ்ஸ தஸ்ஸஸோசித்தயானோபரமப்பதீதோ;
 தங் ஸாஸனங் பண்டு³னராதி⁴பஸ்ஸ ஞாபேஸி தீ⁴ரோ து³ரதிக்கமங்'தி.
188. ராஜாததோ த³ந்தபுரங் த⁴ஜேஹி புப்பே²ஹி தூ⁴பேஹி ச தோரணேஹி;
 அலங்கரித்வான மஹாவிதான நிவாரிதாதி³ச்சமரீசிஜாலங்.
189. அஸ்ஸுப்பப³ந்தா⁴வுதலோசனேஹி புரக்க²தோ நேக³ம நாக³ரேஹி;
 ஸமுப்³ப³ஹந்தோ ஸிரஸா நிஜேன மஹாரஹங் தா⁴துகரண்ட³கங் தங்.
190. ஸமுஸ்ஸிதோதா³ர ஸிதாதபத்தங் ஸங்கோ²த³ரோதா³த துரங்க³யுத்தங்;
 ரத²ங் நவாதி³ச்சஸமானவண்ண மாருய்ஹ சித்தத்த²ரணாபி⁴ராமங்.
191. அனேகஸங்கே²ஹி ப³லேஹி ஸத்³தி⁴ங்
 வேலாதிவத்தம்பு³தி⁴ஸன்னிபே⁴ஹீ;
 நிவத்தமானஸ்ஸ ப³ஹுஜ்ஜனஸ்ஸ வினாபி தே³ஹங் மனஸானுயாதோ
192. ஸுஸந்த²தங் ஸப்³ப³தி⁴வாலுகாஹி ஸுஸஜ்ஜிதங் புண்ண
 க⁴டாதி³கேஹி;
 புப்பா²பி⁴கிண்ணங் படிபஜ்ஜி தீ³க⁴ங் ஸுவித்த²தங் பாடலிபுத்தமக்³கங்.
193. கலிங்க⁴னாதோ² குஸுமாதி³கேஹி நச்சேஹி கீ³தேஹி ச வாதி³தேஹி;
 தி³னே தி³னே அத்³த⁴னி த³ந்ததா⁴துங் பூஜேஸி ஸத்³தி⁴ங்
 வனதே³வதாஹி.
194. ஸுது³க்³மங் ஸிந்து⁴மஹீத⁴ரேஹி கமேன மத்³தா⁴னமதிக்கமித்வா;
 ஆதா³ய தா⁴துங் மனுஜாதி⁴னாதோ² அகா³ புரங் பாடலி புத்தனாமங்.
195. ராஜாதி⁴ராஜோ²த² ஸபா⁴ய மஜ்ஜே² தி³ஸ்வான தங் வீதப⁴யங்
 விஸங்கங்;
 கலிங்க³ராஜங் படிகா⁴பி⁴பு⁴தோ அபா⁴ஸி பேஸுஞ்ஞுகரே நிக³ண்டே²
196. தே³வே ஜஹித்வான நமஸ்ஸனீயே ச²வட்டி²மேதேன நமஸ்ஸிதங்'தங்;
 அங்கா³ரராஸிம்ஹி ஸஜோதிபூ⁴தே நிக்கி²ப்ப கி²ப்பங் த³ஹதா²து⁴னேதி.

197. பஹட்ட²சித்தா¹வததோ நிக³ண்டா²ராஜங்க³ணே தே மஹதிங் க³பீ⁴ரங்;
வீதச்சிகங்கா³ரக ராஸி புண்ணங் அங்கா³ரகாஸுங் அபி⁴ஸங்க²ரிங்ஸு.
198. ஸமந்ததோ பஜ்ஜலிதாய தாய ஸஜோதியா ரோருவபே⁴ரவாய;
மோஹந்த⁴பு⁴தா அத² தித்தி²யா தே தங் த³ந்ததா⁴துங்
அபி⁴னிக்கி²பிங்ஸு.
199. தஸ்ஸானுபா⁴வேன தமக்³கீ³ராஸிங் ஹெத்வா ஸரோஜங் ரத²சக்கமத்தங்;
ஸமந்ததோ உக்³க³தரேணுஜால முட்டா²ஸி கிஞ்ஜக்க² ப⁴ராபி⁴ராமங்.
200. தஸ்மிங் க²ணே பங்கஜ கண்ணிகாய பதிட்ட²ஹித்வா ஜினத³ந்ததா⁴து;
குந்தா³வதா³தாஹி பபா⁴ஹி ஸப்³பா³ தி³ஸா பபா⁴ஸேஸி
பப⁴ஸ்ஸராஹி.
201. தி³ஸ்வான தங் அச்ச²ரியங் மனுஸ்ஸா பஸன்னசித்தா ரதனாதி³கேஹி;
ஸம்பூஜயித்வா ஜினத³ந்ததா⁴துங் ஸகங் ஸகங்
தி³ட்டி²மவொஸ்ஸஜிங்ஸு.
202. ஸோ பண்டு³ராஜா பன தி³ட்டி²ஜாலங் சிரானுப³த்த⁴ங் அபரிச்சஜந்தோ;
பதிட்ட²பெத்வா¹தி⁴கரஞ்ஞமேதங் குடேன கா⁴தாபயி த³ந்ததா⁴துங்.
203. தஸ்ஸங் நிமுக்கா³தி⁴கரஞ்ஞமேஸா உபட்³ட⁴பா⁴கே³ நச
தி³ஸ்ஸமானா;
புப்³பா³சலட்டோ²வ ஸுதா⁴மரீசி ஜோதேஸி ரங்ஸீஹி தி³ஸா ஸமந்தா.
204. தி³ஸ்வானுபா⁴வங் ஜினத³ந்ததா⁴து யாபஜ்ஜி ஸோ விம்ப⁴ய மக்³க³ராஜா;
ஏகோ²த² இஸ்ஸாபஸுதோ நிக³ண்டோ² தங் ராஜராஜானமித³ங் அவோச.
205. ராமாத³யோ தே³வ ஜனத்த³னஸ்ஸ நானாவதாரா பு⁴வனே அஹேஸுங்;
தஸ்ஸேகதே³ஸோ³ச இத³ங் ச²வட்டி²னோசே³நுபா⁴வோகத²மீதி³ஸோதி.
206. அத³தா⁴ மனுஸ்ஸத்தமுபாக³தஸ்ஸ தே³வஸ்ஸ பச்சா² திதி³வங்
க³தஸ்ஸ;
தே³ஹேகதே³ஸோ ட²பிதோ ஹிதத்த²மேதந்தி ஸச்சங்வசனங்⁴வெய்ய.
207. ஸங்வண்ணயித்வான கு³ணே பஹு⁴தே
நாராயணஸ்ஸ³ஸ்ஸமஹித்³தி⁴கஸ்ஸ;
நிமுக்க³மெத்தா¹தி⁴கரஞ்ஞமேதங்ஸம்பஸ்ஸதோ மேப³ஹினீஹரித்வா.
208. ஸம்பாத³யித்வான மஹாஜனானங் முகா²னி பங்கேருஹஸுந்த³ரானி;

யடிச்சி²தங் க³ண்ணறத² வத்து²ஜாதங் இச்சாஹ ராஜா முக²ரே நிக³ண்டே².

209. தே தித்தி²யா விணஹுஸுரங் கு³ணேஹி விசித்த ரூபேஹி
அபி⁴த்த²வித்வா;
தோயேன ஸிஞ்சிங்ஸு ஸடா² ததா²பி டி²தப்பதே³ஸா ந சலித்த² தா⁴து.
210. ஜிகு³ச்ச²மானோ அத² தே நிக³ண்டே² ஸோ தா⁴துயானீஹரணே உபாயங்;
அன்வேஸமானோ வஸுதா⁴தி⁴னாதோ² பே⁴ரிங் சராபேஸி ஸகே
புரம்ஹி.
211. நிமுக³க³மெத்தா²தி⁴கரஞ்சுமஜ்ஜி யோ தா⁴துமேதங் ப³ஹி நீஹரெய்ய;
லத்தா⁴ன ஸோ இஸ்ஸரியங் மஹந்தங்
ரஞ்சோஸகாஸாஸுக²மெஸ்ஸதீதி
212. ஸுத்வா ந தங்
பே⁴ரிவங்உளாரங்புஞ்ஞுத்தி²கோபு³த்த⁴ப³லேபஸன்னோ;
தஸ்மிங் புரே ஸெட்டி²ஸுதோ ஸுப⁴த்த³தோ³ பாவெக்கி²ரஞ்சோ ஸமிதிங்
பக³ப³போ⁴.
213. தமக்³ராஜங் அத² ஸோ நமித்வா ஸாமாஜிகானங் ஹத³யங்க³மாய;
பா⁴ஸாய ஸப்³ப³ஞ்ஞுகு³ணப்பபா⁴வங் வண்ணேஸி ஸாரஜ்ஜவிமுத்த
சித்தோ.
214. பு⁴மிங் கிணித்வா மஹதா த⁴னேன மனோரமங் ஜேதவனங் விஹாரங்;
யோ காரயித்வான ஜினஸ்ஸ த³த்வா உபட்ட²ஹி தங் சதுபச்சயேஹி.
215. அனாத²பிண்டி³ப்பத³ஸெட்டி²ஸெட்டோ²ஸோதி³ட்ட²த⁴ம்மோபபிதாமஹோமே;
திலோகனாதே² மம த⁴ம்மராஜே தும்ஹேது⁴னாபஸ்ஸத²ப⁴த்திபா⁴ரங்.
216. இத்த²ங் நதி³த்வான பஹுதபஞ்ஞோ கத்வான ஏகங்ஸமது²த்தரீயங்;
மஹீதலங் த³க்கி²ணஜானுகேன ஆஹச்ச ப³த்த⁴ஞ்ஜலிகோ அவோச.
217. ச²த்த³ந்தனாகோ³ ஸவிஸேன வித்³தோ⁴ ஸல்லேன யோ லோஹிதமக்கி²
தங்கோ³;
ச²ப³ப³ண்ணரங்ஸீஹி ஸமுஜ்ஜலந்தே செ²த்வான லுத்³தா³ய அதா³ஸி
த³ந்தே.
218. ஸஸோ³பி ஹுத்வான விஸுத்³த⁴ஸீலோ அஜ்ஜத்ததா³னாபி⁴ரதோ
த்³விஜாய;
யோ³த³ஜ்ஜிதே³ஹம்பி ஸகங் நிபச்ச அங்கா³ரராஸிம்ஹி பு³பு⁴க்கி²தாய.

219. யோ போ³தி⁴யா பா³ஹிரவத்து²தா³னா அதித்தருபோ ஸிவிராஜ ஸெட்டோ²;
அதா³ஸி சக்க²னி பப⁴ஸ்ஸரானி த்³விஜாய ஜிண்ணாய அசக்கு²காய.
220. யோக²ந்திவாதீ³பி கலாபு³ராஜே சே²தா³பயந்தே¹பி ஸஹத்த²பாத³ங்;
பரிபல்லுதங்கோ³ருதி⁴ரே திதிக்கி²மெத்தாயமானோ யஸதா³யகே¹வ.
221. யோ த⁴ம்மபாலோ அபி ஸத்தமாஸ ஜாதோபது³ட்டே² ஜனகேஸகம்ஹி;
காராபயந்தே அஸிமாலகம்மங் சித்தங் ந தூ³ஸேஸி பதாபராஜே.
222. ஸாகா²மிகோ³ யோ அஸதா புமேன வனே பபாதா ஸயமுத்³த⁴டேன;
ஸிலாய பி⁴ன்னே¹பி ஸகே லலாடே தங் கே²மபு⁴மிங்
அனயித்த²முள்ளுங்.
223. ருட்டே²ன மாரேன¹பி⁴னிம்மிதம்பி அங்கா³ரகாஸுங் ஜலிதங் விஹிஜ்ஜ;
ஸமுட்டி²தே ஸஜ்ஜுமஹாரவிந்தே³ ட²த்வான யோ ஸெட்டி² அதா³ஸி
தா³னங்.
224. மிகே³ன யேனாபேவிஜஞ்ஞமேகங் பீ⁴தங்வதா⁴மோசயிதுங்குரங்கி³ங்;
ஆகா⁴தனே அத்தஸிரங்²பெத்வாபமோசிதா¹ஞ்ஞபிபாணிஸங்கா⁴.
225. யோ ஸத்தவஸ்ஸோ விஸிகா²ய பங்ஸு கீளாபரோ ஸம்ப⁴வனாமகோ¹பி;
ஸப்³புஞ்ஞலீள்ஹாய நிகு³ள்ஹபஞ்ஹங் புட்டோ² வியாகாஸி ஸுசீரதேன.
226. ஹித்வா நிகந்திங் ஸகஜீவிதே¹பி ப³த்தா⁴ஸகுச்சி²ம்ஹி ச வெத்தவல்லிங்;
ஸாகா²மிகே³ நேகஸஹஸ்ஸஸங்கே² வதா⁴பமோசேஸி கபிஸ்ஸரோயோ.
227. ஸந்தப்பயங் த⁴ம்மஸுதா⁴ரஸேன யோ மானுஸே துண்டி³லஸுகரோ¹பி;
இஸீ¹வ கத்வா அத² ஞாயக³ந்த²ங் நிஜங் பவத்தேஸி சிராய த⁴ம்மங்.
228. பச்சத்தி²கங் புண்ணகயக்க²முக்³கங் மஹித்³தி⁴கங் காமகு³ணேஸு
கி³த்த³த⁴ங்;
யோ திக்க²பஞ்ஞோவிது⁴ராபி⁴தா⁴னோத³மேஸி காளாகி³ரிமத்தகம்ஹி.
229. குலாவஸாயி அவிருள்ஹபக்கோ² யோ பு³த்தி⁴மா வட்டகபோதகோ¹பி;
ஸச்சேன தா³வக்³கி³மபி⁴ஜ்ஜலந்தங் வஸ்ஸேன நிப்³பா³யி வாரிதோ³வ.
230. யோ மச்ச²ராஜாபி அவுட்டி²காலேதி³ஸ்வானமச்சே² தஸிதேகிலந்தே;
ஸச்சேனவாக்யேனமஹோக⁴புண்ணங்முஹுத்தமத்தேனஅகாஸிரட்ட²ங்.
231. விசித்தஹத்த²ஸ்ஸ ரதா²தி³கானி வஸுந்த⁴ரா கம்பன காரணானி;

புத்தேநுஜாதே ஸதிஸேசதா³ரேயோ⁴த³ஜ்ஜிவெஸ்ஸந்தரஜாதியம்பி.

232. பு³த³தோ⁴ ப⁴வித்வா அபி தி³ட்ட²த⁴ம்ம ஸுகா²னபெக்கோ²
கருணானுவத்தீ;
ஸப்³ப³ங் ஸஹந்தோ அவமானநாதி³ங் யோது³க்கரங் லோகஹிதங்அகாஸி.
233. ப³லேன ஸத்³தி⁴ங் சதுரங்கி³கேன அபி⁴த்³த³வந்தங் அதிபி⁴ங்ஸனேன;
அஜெய்யஸத்த²ங் பரமித்³தி⁴பத்தங் த³மேஸி யோ ஆலவகம்பீ யக்க²ங்.
234. தே³ஹாபி⁴னிக்க²ந்த ஹுதாஸனச்சி மாலாகுலங் ப்³ரஹ்மப⁴வங் கரித்வா;
பெ⁴த்வான தி³ட்டி²ங் ஸுசிரானுப³த்³த⁴ங் த³மேஸி யோ ப்³ரஹ்மவரங்
முனிந்தோ³.
235. அச்சங்குஸங் தா³னஸுதோ⁴த க³ண்ட³ங் நிபாதிதட்டா²லக கோ³புராதி³ங்;
தா⁴வந்தமக்³கே³ த⁴னபாலஹத்தி²ங் த³மேஸி யோ தா³ருணமந்தகங்'வ.
236. மனுஸ்ஸரத்தாருணபாணிபாத³முக்கி²ப்ப க²க்³ங் அனுப³ந்த⁴மானங்;
மஹாத³யோ து³ப்பஸஹங் பரேஹி த³மேஸி யோ அங்கு³லிமாலசோரங்.
237. யோ த⁴ம்மராஜா விஜிதாரிஸங்கோ⁴ பவத்தயந்தோ வரத⁴ம்மசக்கங்;
ஸத்³த⁴ம்ம ஸஞ்ஞங் ரதனாகரஞ்ச ஓகா³ஹயீ ஸங் பரிஸங் ஸமக்³ங்.
238. தஸ்ஸேவ ஸத்³த⁴ம்ம வராதி⁴பஸ்ஸததா²க³தஸ்ஸ'ப்படிபுக்³க³லஸ்ஸ;
அனந்தஞாணஸ்ஸ விஸாரத³ஸ்ஸ ஏஸா மஹாகாருணிகஸ்ஸ தா⁴து.
239. அனேன ஸச்சேன ஜினஸ்ஸ தா⁴து கி²ப்பங் ஸமாருய்ஹ நப⁴ந்தராளங்;
ஸுத⁴ங்ஸுலேகே²வ ஸமுஜ்ஜலந்தி கங்க²ங் வினோதே³து
மஹாஜனஸ்ஸ.
240. தஸ்மிங் க²ணே ஸா ஜினத³ந்ததா⁴து நப⁴ங் ஸமுக்³க³ம்ம பபா⁴ஸயந்தீ;
ஸப்³பா³ தி³ஸா ஓஸதி⁴தாரகா'வ ஜனங் பஸாதே³ஸி வ்திண்ணகங்க²ங்.
241. அதோ²தரித்வா க³க³னங்க³ணம்ஹா ஸா மத்த²கே ஸெட்டி²ஸுதஸ்ஸ
தஸ்ஸ;
பதிட்ட²ஹித்வான ஸுதா⁴பி⁴ஸித்தக³த்தங்'வ தங் பீணயி ப⁴த்திதின்னங்.
242. த³ஸ்வான தங் அச்ச²ரியங் நிக³ண்டா² இச்சப்³ரவுங் பண்டு³னராதி⁴பங் தங்;
விஜ்ஜாப³லங் ஸெட்டி²ஸுதஸ்ஸ ஏதங் ந தா⁴துயா தே³வ
அயம்பபா⁴வோ.

243. நிஸம்ம தேஸங் வசனங் நரிந்தோ³ இச்சப்³ரவீ ஸெட்டி²ஸுதங்
ஸுப⁴த்³த³ங்;
யதா² ச ஏதே அபி⁴ஸத்³த³ஹெய்யுங் ததா²வித⁴ங் த³ஸ்ஸய
இத்³தி⁴மஞ்ஞங்.
244. ததோ ஸுப⁴த்³தோ³ தபனியபத்தே ஸுக³ந்தி⁴ஸீதோத³கபூரிதம்ஹி;
வட்³டே⁴ஸி தா⁴துங் முனிபுங்க³வஸ்ஸ அனுஸ்ஸரந்தோ
சரிதப்³பு⁴தானி.
245. ஸா ராஜஹங் ஸீவ விதா⁴வமானா ஸுக³ந்தி⁴தோயம்ஹி பத³க்கி²ணேன;
உம்முஜ்ஜமானா ச நிமுஜ்ஜமானா ஜனே பமோத³ஸ்ஸுத⁴ரே அகாஸி.
246. ததோ ச காஸங் விஸிகா²யமஜ்ஜே² கத்வா தஹிங் தா⁴துமபி⁴க்கி²பித்வா;
பங்ஸுஹி ஸம்மா அபி⁴பூரயித்வா ப³ஹுஹி மத்³தா³பயி குஞ்ஜரேஹி.
247. பெ⁴த்வா மஹிங்உட்ட²ஹி சக்கமத்தங் விராஜமானங் மணிகண்ணிகாய;
பப⁴ஸ்ஸரங் ரூபியகேஸரேஹி ஸரோருஹங் கஞ்சனபத்தபாளிங்.
248. பதிட்ட²பி⁴த்வான தஹிங் ஸரோஜே மந்தா³னிலாவத்திதரேணு ஜாலே;
ஓபா⁴ஸயந்தி³வ தி³ஸா பபா⁴ஹி தி³ட்டா² முஹுத்தேன
ஜினஸ்ஸதா⁴து.
249. கி²பிங்ஸு வத்தா²ப⁴ரணானி மச்சா பவஸ்ஸயுங் புப்ப²மயஞ்ச வஸ்ஸங்;
உக்குட்டி²ஸத்³தே³ஹி ச ஸது⁴காரனாதே³ஹி புண்ணங் நக³ரங் அகங்ஸு.
250. தே தித்தி²யா தங் அபி⁴வஞ்சனங்'தி ராஜாதி⁴ராஜங் அத² ஸஞ்ஞபெத்வா;
ஜிகு³ச்ச²னீயே குணபாதி³கேஹி கி²பிங்ஸு தா⁴துங் பரிகா²ய பிட்டே².
251. தஸ்மிங் க²ணே
பஞ்சவித⁴ம்பு³ஜேஹிஸஞ்சா²தி³தாஹங்ஸக³ணோபபு⁴த்தா;
மது⁴ப்³பதாலீ விருதாபி⁴ராமா அஹோஸி ஸா பொக்க²ரணீவ நந்தா³.
252. க³ஜாதி⁴பா கோஞ்ஞ்சரவங் ரவிங்ஸு கரிங்ஸு ஹேஸானினத³ங் துரங்கா³;
உக்குட்டி²னாத³ங் அகரிங்ஸு மச்சா ஸுவாதி³தா து³ந்து³பி⁴ஆத³யோ'பி.
253. தோ²மிங்ஸு மச்சா து²திகீ³தகேஹி நச்சிங்ஸு ஒத்தப்பவிபு⁴ஸனா'பி;
வத்தா²னி ஸீஸே ப⁴மயிங்ஸு மத்தா பு⁴ஜானி
போடே²ஸுமுத³க்³சித்தா.

தூ⁴பேஹி காலாக³ருஸம்ப⁴வேஹி க⁴னாவனத்³த⁴ங்'வ நப⁴ங்
அஹோஸி;
ஸமுஸ்ஸிதானேகத⁴ஜாவலீஹி புரங் ததா³ வத்த²மயங்'வ ஆஸி.

255. தி³ஸ்வா தமச்சே²ரமசிந்தனீயங் ஆமோதி³தாமச்சக³ணா ஸமக்³கா³;
அத்தே² நியோஜேது முபேச்ச தஸ்ஸ வதி³ங்ஸு பண்டு³ஸ்ஸ
நராதி⁴பஸ்ஸ.
256. தி³ஸ்வான யோ ஈதி³ஸகம்பி ராஜ இத்³தா⁴னுபா⁴வங் முனிபுங்க³வஸ்ஸ;
பஸாத³மத்தம்பி கரெய்ய நோசே கிமத்தி²யா தஸ்ஸ ப⁴வெய்ய பஞ்ஞா.
257. பஸாத³னீயேஸு கு³ணேஸு ராஜ பஸாத³னங் ஸாது⁴ஜனஸ்ஸ த⁴ம்மோ;
புப்ப²ந்தி ஸப்³பே³ ஸயமேவ வந்தே³ ஸமுக்³க³தே கோமுத³கானநானி.
258. வாசாய தேஸங் பன து³ம்மதீனங் மா ஸக்³க³மக்³க³ங் பஜஹித்த² ராஜ;
அந்தே⁴ க³ஹெத்வா விசரெய்ய கோ ஹி அன்வேஸமானோ ஸுபத²ங்
அமுள்ளேஹா.
259. நராதி⁴பா கப்பிண பி³ம்பி³ஸார ஸுத்³தோ⁴த³னாதி³ அபி தேஜவந்தா;
தங் த⁴ம்மராஜங் ஸரணங் உபேச்ச பிவிங்ஸு த⁴ம்மாமதமாத³ரேன.
260. ஸஹஸ்ஸனெத்தோ தித³ஸாதி⁴போ⁴பி கீ²ணாயுகோ கி²ணப⁴வங்
முனிந்த³ங்;
உபேச்ச த⁴ம்மங் விமலங் நிஸம்ம அலத்த² ஆயுங் அபி தி³ட்ட²த⁴ம்மோ.
261. துவம்பி தஸ்மிங் ஜிதபஞ்சமாரே தே³வாதிதே³வே வரத⁴ம்மராஜே;
ஸக்³கா³பவக்³கா³தி⁴க³மாய கி²ப்பங் சித்தங் பஸாதே³ஹி நராதி⁴ராஜ.
262. ஸுத்வானதேஸங் வசனங் நரிந்தோ³ விகிண்ணகட்³கோ² ரதனத்தயம்ஹி;
ஸேனாபதிங் அத்த²வரங் அவோச பஹட்ட²பா⁴வோ பரிஸாய மஜ்ஜே².
263. அஸத்த³ஹானோ ரதனத்தயஸ்ஸ கு³ணே ப⁴வச்சே²த³னகாரணஸ்ஸ;
சிராய து³ல்லத்³தி⁴பதே² சரந்தோ டி²தோ ஸரஜ்ஜே அபி வஞ்சிதோஹங்.
264. மோஹேன க²ஜ்ஜோபனகங் த⁴மேஸிங் ஸீதத்³தி³தோ து⁴மஸிகே²
ஜலந்தே;
பிபாஸிதோ ஸிந்து⁴ஜலங் பஹாய பிவிங் பமாதே³ன மரீசிதோயங்.
265. பரிச்சஜித்வா அமதங் சிராய ஜிவத்தி²கோ திக்க²விஸங் அகா²தி³ங்;
விஹாய'ஹங் சம்பகபுப்ப²தா³மங் அதா⁴ரயிங் ஜத்துஸு நாக³பா⁴ரங்.

266. க³ந்த்வான கி²ப்பங் பரிகா² ஸமீபங் ஆராத⁴யித்வா ஜினத³ந்ததா⁴துங்;
ஆனேஹி பூஜாவிதி⁴னா கரிஸ்ஸங் புஞ்ஞானி ஸப்³பத்த²
ஸுகா²வஹானி.
267. க³ந்த்வாததேஸோபரிகா²ஸமீபங் ஸேனாதி⁴னாதோ² பரமப்பதீதோ;
தா⁴துங் முனிந்த³ஸ்ஸ நமஸ்ஸமானோ அஜ்ஜே²ஸி ரஞ்ஞோ ஹிதமா
சரந்தோ
268. சிராக³தங் தி³ட்டி²மலங் பஹாய அலத்த² ஸத்த³த⁴ங் ஸுக³தே நரிந்தோ³;
பாஸாத³மாக³ம்ம பஸாத³மஸ்ஸ வட்³டே⁴ஹி ரஞ்ஞோ ரதனத்தயம்ஹி.
269. தஸ்மிங் க²ணே பொக்க²ரணீ விசித்தா பு²ல்லேஹி
ஸோவண்ணஸரோருஹேஹி;
அலங்கரொந்தீ க³க³னங் அஹோஸி மந்தா³கினீவாபி⁴னவாவதாரா.
270. ஹங்ஸங்க³ணேவாத² முனிந்த³தா⁴து ஸா பங்கஜா பங்கஜமோக்கமந்தி;
குந்தா³வதா³தாஹி பபா⁴ஹி ஸப்³பங் கி²ரோத³குச்சி²ங்'வ புரங் அகாஸி.
271. ததோ ஸுரத்தஞ்ஜலிபங்கஜம்ஹி பதிட்ட²ஹித்வான சமுபதிஸ்ஸ;
ஸந்தி³ஸ்ஸமானா மஹதா ஜனேன மஹப்ப²லங் மானுஸகங் அகத்த².
272. ஸுத்வான வுத்தந்தமிமங் நரிந்தோ³ பஹட்ட²பா⁴வோபத³ஸா'வ க³ந்த்வா;
ஸங்ஸுசயந்தோ தி³கு³ணங் பஸாத³ங் ஸுவிம்ஹிதோபஞ்ஜலிகோஅவோச.
273. வோஹாரத³க்கா² மனுஜா முனிந்த³ ஸங்க⁴ட்டயித்வா நிகஸோபலம்ஹி;
கரொந்திஅக்³க⁴ங் வரகஞ்சனஸ்ஸ ஏஸோஹி த⁴ம்மோ சரிதோபுராணோ.
274. மணிங் பஸத்தா²கரஸம்ப⁴வம்பி ஹுதாஸகம்மேஹபீ⁴ஸங்க²ரித்வா;
பாபெந்திராஜஞ்ஞகிரீடகோடிங் விபு⁴ஸனத்தங் விது³னோமனுஸ்ஸா.
275. வீமங்ஸனத்தா²ய தவாது⁴னாபி மயா கதங் ஸப்³பமித³ங் முனிந்த³;
ஆகு³ங் மஹந்தங் க²ம பு⁴ரிபஞ்ஞ கி²ப்பங் மமாலங்குரு உத்தமங்க³ங்.
276. பதிட்டி²தா தஸ்ஸ ததோ கிரீடே மணிப்பபா⁴ பா⁴ஸினி த³ந்ததா⁴து;
அமுஞ்சி ரங்ஸீ த⁴வலா பஜாஸு ஸினேஹஜாதா இவ கீரதா⁴ரா.
277. ஸோ த³ந்ததா⁴துங் ஸிரஸாவஹந்தோ பத³க்கி²ணங்தங்னக³ரங் கரித்வா;
ஸம்பூஜயந்தோ குஸுமாதி³கேஹி ஸுஸஜ்ஜிதந்தே புரமாஹரித்த².
278. ஸமுஸ்ஸிதோதா³ரஸிதாதபத்தே பல்லங்கஸெட்டே² ரதனுஜ்ஜலம்ஹி;

பதிட்ட²பெத்வான ஜினஸ்ஸ தா⁴துங் பூஜேஸி ராஜா ரதனாதி³கேஹி.

279. பு³த³தா⁴தி³வத்து²த்தயமேவ ராஜா ஆபாணகோடிங் ஸரணங் உபேச்ச;
ஹித்வா விஹிங்ஸங் கருணாதி⁴வாஸோ ஆராத⁴யீ ஸப்³புஜனங்
கு³ணேஹி.

280. காரேஸி நானாரதனப்பபா⁴ஹி ஸஹஸ்ஸரங்ஸீங்'வ விரோசமானங்;
நராதி⁴போ ப⁴த்திப⁴ரானுருபங் ஸுசித்திதங் தா⁴துனிவேஸனம்பி.

281. வட்³டே⁴ஸி ஸோ தா⁴துக⁴ரம்ஹி தா⁴துங் அலங்கரித்வா ஸகலங்
புரம்பி;
ஸேஸேன பூஜாவிதி⁴னா அதித்தோ பூஜேஸி ரட்ட²ங் ஸத⁴னங்
ஸபொ⁴க்³க்³ங்.

282. ஆமந்தயித்வா கு³ஹஸீவராஜங் ஸம்மானிதங் அத்தஸமங் கரித்வா;
தா³னாதி³க்ங் புஞ்ஞமனேகருபங் ஸத்³தா⁴த⁴னோ
ஸஞ்சிணிராஜஸெட்டோ².

283. ததோ ஸோ பு⁴பாலோ குமதிஜனஸங்ஸக்³க்³மனயங்,
நிராகத்வா மக்³கே³ ஸுக³தவசனுஜ்ஜோதஸுக³மே;
பதா⁴வந்தோ ஸம்மா ஸபரஹிதஸம்பத்திசதுரோ,
பஸத்த²ங் லோகத்த²ங் அசரி சரிதாவஜ்ஜிதஜனோ.

ததியோ பரிச்சே²தோ³.

284. சரதி த⁴ரணி பாலே ராஜத⁴ம்மேஸு தஸ்மிங்,
ஸமரசதுரஸேனோ கீ²ரதா⁴ரோ நரிந்தோ³;
நிஜபு⁴ஜப³லலீலா'ராதித³ப்பப்பமாதீ²,
விப⁴வஜனிதமானோ யுத்³த⁴ஸஜ்ஜோ'பி⁴க்³ஞ்சி².

285. கரிவரமத² தி³ஸ்வா ஸோ கு³ஹாத்³வாரயாதங்,
படிப⁴யரஹிதத்தோ ஸீஹராஜா'வ ராஜா;
நிஜனக்³ரஸமீபாயாதமேதங் நரிந்த³ங்,
அமிதப³லமமஹோகே⁴னொத்த²ரந்தா'பி⁴யாயி.

286. உதி³தப³ஹளதா⁴லீபாளிருத்³த⁴ந்தளிக்கோ²,
ஸமத³விவித⁴யோதா⁴ராவஸங்ரம்ப⁴பீ⁴மே;
நிஸிதஸரஸதாலீவஸ்ஸதா⁴ராகராளே,
அஜினி மஹதி யுத்³தே⁴ பண்டு³கோ கீ²ரதா⁴ரங்.

287.

அத² நரபதிஸெட்டோ² ஸங்க³ஹெத்வான ரட்ட²ங்,
நிஜ தனுஜ வரஸ்மிங் ரஜ்ஜபா⁴ரங் நிதா⁴ய;
ஸுக³த த³ஸன தா⁴துங் ஸம்படிச்சா²பயித்வா,
பஹிணி ச கு³ஹஸீவங் ஸக்கரித்வா ஸரட்ட²ங்.

288. ஸுவிரமவனீபாலோ ஸஞ்ஞமங் அஜ்ஜ²பேதோ,
விவித⁴ விப⁴வ தா³னாயாசகே தப்பயித்வா;
தித³ஸபுர ஸமாஜங் தே³ஹபே⁴தா³ பயாதோ,
குஸல ப²லமனப்பங் பத்தி²தங் பச்சலத்த².

289. நரபதி கு³ஹஸீவோ தங் முனிந்த³ஸ்ஸ தா⁴துங்,
ஸகபுரமுபனெத்வா ஸாது⁴ ஸம்மான்யந்தோ;
ஸுக³தி க³மன மக்³கே³ பாணினோ யோஜயந்தோ,
ஸுசரித மபி⁴ரூபங் ஸஞ்சிணந்தோ விஹாஸி.

290. அக³ணிதமஹிமஸ்ஸுஜ்ஜே நிரஞ்ஞோ தனுஜோ,
புரிம வயஸி யேவாரத்த⁴ஸத்தா⁴பி⁴யோகோ³;
த³ஸப³ல தனுதா⁴துங் பூஜிதுங் தஸ்ஸ ரஞ்ஞோ,
புரவர முபாயாதோ த³ந்தனாமோ குமாரோ.

291. கு³ணஜனித பஸாத³ங் தங் கலிங்கா³தி⁴னாத²ங்,
நிகி²ல கு³ண நிவாஸோ ஸோ குமாரோ கரித்வா;
விவித⁴ மஹவிதா⁴னங் ஸாது⁴ஸம்பாத³யந்தோ,
அவஸி ஸுக³ததா⁴துங் அன்வஹங் வந்த³மானோ.

292. அப⁴வி ச கு³ஹஸீவஸ்ஸாவனீஸஸ்ஸ தி⁴தா,
விகச குவலயக்கீ² ஹங்ஸகந்தாபி⁴யாதா;
வத³ன ஜித ஸரோஜா ஹாரித⁴ம்மில்லபா⁴ரா,
குசப⁴ரனமிதங்கி³ ஹேம மாலாபி⁴தா⁴னா.

293. அகி²லகு³ணனிதா⁴னங் ப³ந்து⁴பா⁴வானுரூபங்,
ஸுவிமலகுலஜாதங் தங் குமாரங் விதி³த்வா;
நரபதி கு³ஹஸீவோ அத்தனோ தீ⁴தரங் தங்,
அத³தி³ ஸப³ஹுமானங் ராஜபுத்தஸ்ஸ தஸ்ஸ.

294. மனுஜபதி குமாரங் தா⁴துரக்கா²தி⁴காரே,
பசுரபரிஜனங் தங் ஸப்³ப³தா² யோஜயித்வா;
க³வ மஹிஸ ஸஹஸ்ஸாதீ³ஹி ஸம்பீணயித்வா,
ஸக விப⁴வ ஸரிக்²கே² இஸ்ஸரத்தே ட²பேஸி.

295. ஸமரபு⁴வி வினட்டே² கீ²ரதா⁴ரே நரிந்தே³,
மலயவனமுபேதா பா⁴கி³னெய்யா குமாரா;
பப³ல மதி மஹந்தங் ஸங்ஹரித்வா ப³லக்³ங்,
உபபுரமுபக³ஞ்ச²ங் தா⁴துயா க³ண்ஹனத்த²ங்.
296. அத² நக³ரஸமீபே தே நிவேஸங் கரித்வா,
ஸவணகடுகமேதங் ஸாஸனங் பேஸயிங்ஸு;
ஸுக³தத³ஸனதா⁴துங் தே³ஹி வா கி²ப்பமம்ஹங்,
யஸஸிரிஜனநிங் வா கீள ஸங்கா³மகேளிங்.
297. ஸபதி³ த⁴ரணிபாலோ ஸாஸனங் தங் ஸுணித்வா,
அவதி³ ரஹஸி வாசங் ராஜபுத்தஸ்ஸ தஸ்ஸ;
நஹி ஸதி மம தே³ஹே தா⁴துமஞ்ஞஸ்ஸ த³ஸ்ஸங்,
அஹமபி யதி³ ஜேதுங் நேவ தே ஸக்குணெய்யங்.
298. ஸுரனர நமிதங் தங் த³ந்ததா⁴துங் க³ஹெத்வா,
க³ஹித தி³ஜவிலாஸோ ஸீஹளங் யாஹி தீ³பங்;
இதி வசனமுதா³ரங் மாதுலஸ்ஸாத² ஸுத்வா,
தமவச கு³ஹஸீவங் த³ந்தனாமோ குமாரோ.
299. தவச மமச கோ வா ஸீஹளே ப³ந்து⁴பு⁴தோ,
ஜினவரணஸரோஜே ப⁴த்தியுத்தோ ச கோவா;
ஜலனீதி⁴பரதீரே ஸீஹளங் கு²த்³த³தே³ஸங்,
கத²மஹமதினெஸ்ஸங் த³ந்ததா⁴துங் ஜினஸ்ஸ.
300. தமவதி³ கு³ஹஸீவோ பா⁴கி³னெய்யங் குமாரங்,
த³ஸப³லதனுதா⁴து ஸண்டி²தா ஸீஹளஸ்மிங்;
ப⁴வப⁴யஹதித³க்கோ² வத்ததே ஸத்து²த⁴ம்மோ,
க³ணனபத²மதீதா பி⁴க்க²வோ சாவஸிங்ஸு.
301. மம ச பியஸஹாயோ ஸோ மஹாஸேன ராஜா,
ஜினசரணஸரோஜத்³வந்த³ஸேவாபி⁴யுத்தோ;
ஸலிலமபி ச பு²ட்ட²ங் தா⁴துயா பத்த²யந்தோ,
விவித⁴ரதனஜாதங் பாப⁴தங் பேஸயித்த².
302. பப⁴வதி மனுஜிந்தோ³ ஸப்³பதா³ பு³த்தி⁴மா ஸோ,
ஸுக³தத³ஸனதா⁴துங் பூஜிதுங் பூஜனெய்யங்;
பரிசிதவிஸயம்ஹா விப்பவத்த²ங் ப⁴வந்தங்,
விவித⁴விப⁴வதா³னா ஸாது⁴ ஸங்க³ண்ஹிதுஞ்ச.

303. நிஜ து³ஹிதுபதிங் தங் இத்த²மாராத⁴யித்வா,
நரபதி கு³ஹஸீவோ ஸங்க³ஹெத்வான ஸேனங்;
ரணத⁴ரணிமுபேதோ ஸோ குமாரேஹி ஸத்³தி⁴ங்,
மரணபரவஸத்தங் அஜ்ஜ²கா³ யுஜ்ஜ²மானோ.
304. அத² நரபதி புத்தோ த³ந்தனாமோ ஸுணித்வா,
ஸவண கடுகமேதங் மாதுலஸ்ஸப்பவத்திங்;
க³ஹித தி³ஜவிலாஸோ த³ந்ததா⁴துங் க³ஹெத்வா,
துரித துரித பூ⁴தோ ஸோ புரம்ஹா பளாயி.
305. ஸரப⁴ஸ முபக³ந்த்வா த³க்கி²ணங் சாத² தே³ஸங்,
அவிசலிதஸபா⁴வோ இத்³தி⁴யா தே³வதானங்;
நதி³மதிமஹதிங் ஸோ உத்தரித்வான புண்ணங்,
நித³ஹி த³ஸனதா⁴துங் வாலுகாராஸிமஜ்ஜே².
306. புன புரமுபக³ந்த்வா தங் க³ஹீதஞ்ஞவேஸங்,
ப⁴ரியமபி க³ஹெத்வா ஆக³தோ தத்த² கி²ப்பங்;
ஸுக³தத³ஸனதா⁴துங் வாலுகாது²பகுச்சி²ங்,
ட²பிதமுபசரந்தோ அச்சி² கு³ம்ப³ந்தரஸ்மிங்.
307. ஸபதி³ நப⁴ஸி தே²ரோ க³ச்ச²மானோ பனேகோ,
விவித⁴கிரணஜாலங் வாலுகாராஸிதூ²பா;
அவிரளிதமுதே³ந்தங் தா⁴துயா தாய தி³ஸ்வா,
பணமி ஸுக³ததா⁴துங் ஓதரித்வான தத்த².
308. முனிஸுதமத² தி³ஸ்வா ஜம்பதீ தே பதீதா,
நிஜக³மனவிதா⁴னங் ஸப்³ப³மாரோசயிங்ஸு;
த³ஸப³லதனுஜோ ஸோ தா⁴துரக்கா² நியுத்தோ,
பரஹிதனிரதத்தோ தே உபோ⁴ அஜ்ஜ²பா⁴ஸி.
309. த³ஸப³லதனுதா⁴துங் ஸீஹளங் நேத² தும்ஹே,
அக³ணித தனுகே²தா³ வீதஸாரஜ்ஜமேதங்;
அபி ச க³மனமக்³கே³ ஜாதமத்தே விகா⁴தே,
ஸரத² மமமனேகோபத்³த³வச்சே²த³த³க்க²ங்.
310. இதி ஸுக³தனநூஜோ ஜம்பதீனங் கதெ²த்வா,
புன³பி தத³னுருபங் தே³ஸயித்வான த⁴ம்மங்;
புது²தரமபனெத்வா ஸோகஸல்லஞ்ச கா³ள்ஹங்,
ஸகவஸதிமுபேதோ அந்தலிக்கே²ன தீ⁴ரோ.

311. பு⁴ஐக³ப⁴வனவாஸீ நின்னகா³யாத² தஸ்ஸா,
பு⁴ஐக³பதி மஹித்³தி⁴ பண்டு³ஹாராபி⁴தா⁴னோ;
ஸகபுரபவரம்ஹா நிக்க²மித்வா சரந்தோ,
ஸமுபக³மி ததா³ தங் டா²னமிச்சா²வஸேன.
312. விமலபுலினதூ²பா ஸோ ஸமுக்³க³ச்ச²மானங்,
ஸஸிருசிரமரீசிஜ்ஜாலமாலோகயித்வா;
டி²தமத² முனிதா⁴துங் வாலுகாரஸிக³ப்³பே⁴,
கிமித³மிதி ஸகங்க²ங் பெக்க²மானோ அவேதி³.
313. ஸபதி³ ஸப³ஹுமானோ ஸோ அஸந்தி³ஸ்ஸமானோ,
ரதனமயகரண்ட³ங் தா⁴துயுத்தங் கி³லித்வா;
விததபுது²லதே³ஹோ போ⁴க³மாலாஹி துங்க³ங்,
கணகஸிக²ரிராஜங் வேட²யித்வா ஸயித்த².
314. ஸலிலனிதி⁴ஸமீபங் ஜம்பதீ க³ந்துகாமா,
புலினதலக³தங் தங் த³ந்ததா⁴துங் அதி³ஸ்வா;
நயனஸலிலதா⁴ரங் ஸோகஜாதங் கிரந்தா,
ஸுக³தஸுதவரங் தங் தங்க²ணே²நுஸ்ஸரிங்ஸு.
315. அத² ஸுக³தஸுதோ ஸோ சிந்திதங் ஸங்விதி³த்வா,
அக³மி ஸவித⁴மேஸங் ஸோகதி³னானநானங்;
அஸுணி ச ஜினதா⁴துங் வாலுகாராஸிமஜ்ஜே²,
நீஹிதமபி அதி³ட்ட²ங் பூஜிதங் ஜம்பதீஹி.
316. ஸயிதமத² யதீஸோ தி³ப்³ப³சக்கு²ப்பபா⁴வா,
ரதனகி³ரினிகுஞ்ஜே நாக³ராஜங் அபஸ்ஸி;
விஹக³பதிஸரீரங் மாபயி தம்முஹுத்தே,
விததபுது²லபக்கே²னந்தளிக்க²ங் த²கெந்தங்.
317. ஜலதி⁴மதிக³பீ⁴ரங் தங் த்³விதா⁴ ஸோ கரித்வா,
பப³லபவனவேகே³னத்தனோ பக்க²ஜேன;
ஸரப⁴ஸ மஹிதா⁴வங் பீ⁴மஸங்ரம்ப⁴யோகா³,
அபி⁴க³மி பு⁴ஐகி³ந்த³ங் மேருபாதே³ நிபன்னங்.
318. ஜஹிதபு⁴ஐக³வேஸோ தங்க²ணே ஸோ ப²ணிந்தோ³,
படிப⁴யசகிதத்தோ ஸங்கி²பித்வான போ⁴கே³;
ஸரப⁴ஸ முபக³ந்த்வா தஸ்ஸ பாதே³ நமித்வா,
வினயமது⁴ரமித்த²ங் தங் முனீஸங் அவோச.

319. ஸகலஜனஹிதத்த²ங் ஏவ ஜாயந்தி பு³த்³தா⁴,
 ப⁴வதி ஜனஹிதத்த²ங் தா⁴துமத்தஸ்ஸ பூஜா;
 அஹமபி ஜினதா⁴துங் பூஜயித்வா மஹக்³க⁴ங்,
 குஸலப²லமனப்பங் ஸஞ்சிணிஸ்ஸங்'தி க³ண்ஹிங்.
320. அத² மனுஜக³ணானங் ஸச்சபோ³தா⁴ரஹானங்,
 வஸதிப⁴வனமேஸா நீய்யதே ஸீஹளங் தங்;
 முனிவரதனுதா⁴துங் தேன தே³ஹீதி வுத்தோ,
 பு⁴ஜக³பதி கரண்ட³ங் தா⁴துக³ப்³ப⁴ங் அத³ஜ்ஜி.
321. விஹக³பதிதனுங் தங் ஸங்ஹரித்வான தே²ரோ,
 ஜஸரஸதபீ⁴மா அண்ணவா உப்பதித்வா;
 ஸகலபத²விசக்கே ரஜ்ஜலக்கி²ங்'வ தா⁴துங்,
 நரபதிதனுஜானங் ஜம்பதீனங் அதா³ஸி.
322. இதி கதப³ஹுகாரே ஸங்யமிந்தே³ பயாதே,
 ஸுக³தத³ஸனதா⁴துங் முத்³த⁴னா உப்³ப³ஹந்தா;
 மஹதி விபினதே³வாதீ³ஹி மக்³கே³ பயுத்தே,
 விவித⁴மஹவிதா⁴னே தே ததோ நிக்க²மிங்ஸு.
323. முது³ஸுரபீ⁴ஸமீரோ கண்டகாதி³வ்யபேதோ,
 விமலபுலினஹாரீ ஆஸீ ஸப்³ப³த்த² மக்³கோ³;
 அயனமுபக³தே தே த³ந்ததா⁴துப்பபா⁴வா,
 நிக³மனக³ரவாஸீ ஸாது⁴ ஸம்மானயிங்ஸு.
324. குஸுமஸுரபி⁴சுண்ணாகிண்ணஹத்தா²ஹி நிச்சா,
 ஸகுதுகமனுயாதா கானநே தே³வதாஹி;
 அசலக³ஹணதுக்³க³ங் கே²பயித்வான மக்³க³ங்,
 அக³முமதுரிதா தே பட்டனங் தாமலித்திங்.
325. அசலபத³ரப³த்³த⁴ங் ஸுட்டி²தோதா³ரகூபங்,
 உதி³தபுது²லகாரங் த³க்க²னீயாமகஞ்ச;
 ஸயமபி⁴மதலங்காகா³மினிங் நாவமேதே,
 ஸபதி³ ஸமுபருள்ஹங் அத³த³ஸுங் வாணிகேஹி.
326. அத² தி³ஜபவரா தே ஸீஹளங் க³ந்துமிச்ச²ங்,
 ஸரப⁴ஸ முபக³ந்த்வா நாவிகஸ்ஸாவதி³ங்ஸு;
 ஸுதிஸுக²வசஸா ஸோ ஸாது⁴வுத்தேன சேஸங்,
 பமுதி³தஹத³யோ தே நாவமாரோபயித்த².

327. ஜலனிதி⁴மபி⁴ருள்ஹெஸ்வேஸு ஆதா³ய தா⁴துங்,
ஸமப⁴வுமுபஸன்னா லோலகல்லோலமாலா;
ஸமஸுரபி⁴மனுஞ்ஞோ உத்தரோ வாயி வாதோ,
விமலருசிரஸோபா⁴ ஸப்³புதா²ஸுங் தி³ஸா¹பி.

328. நப⁴ஸி அஸிதஸோபே⁴ வேனதெய்யோ¹வ நாவா,
பப³லபவனவேகா³ ஸத்ததங் தா⁴வமானா;
நயனவிஸயபா⁴வாதீததீராசலாதி³ங்,
பவிஸி ஜலதி⁴மஜ்ஜ²ங் பே²ணபுப்பா²பி⁴கிண்ணங்.

329. அத² அப⁴வி ஸமுத்³தோ³ பீ⁴மஸங்வட்டவாதா,
பீ⁴ஹதஸிக²ரிகூடாகாரவீசிப்பப³ந்தோ⁴;
ஸவனபி⁴து³ரகோ⁴ராராவருந்த⁴ந்தலிக்கோ²,
ப⁴யசகிதமனுஸ்ஸக்கந்தி³தோ ஸப்³புரத்திங்.

330. உத³யஸிக²ரிஸீஸங் நூதனாதி³ச்சபி³ம்பே³,
உபக³தவதி தஸ்ஸா ரத்தியா அச்சயம்ஹி;
ஸலிலனிதி⁴ஜலங் தங் ஸந்தகல்லோலமாலங்,
அஸிதமணிவிசித்தங் கொட்டிமங்¹வாவபா⁴ஸி.

331. அத² விததப²ணாலீ பி⁴ங்ஸனா கேசி நாகா³,
ஸுரபி⁴குஸுமஹத்தா² கேசி தி³ப்³புத்தபா⁴வா;
ருசிரமணிபதீ³பே கேசி ஸந்தா⁴ரயந்தா,
நிஜஸிரஸி கரொந்தா கேசி கண்டு³ப்பலானீ.

332. பு²டகுமுத³கலாபே ஜத்துனேகே வஹந்தா,
கணககலஸமாலா உக்கி²பத்தா ச கேசி;
பவனசலிதகேதுக்³கா³ஹகா கேசி ஏகே,
ருசிர கணக சுண்ணாபுண்ணசங்கோ³டஹத்தா².

333. ஸலளிதரமணியங் கேசி நச்சங் கரொந்தா,
ஸலயமது⁴ரகீ³தங் கா³யமானா¹வ கேசி;
பசுரதுரியப⁴ண்டே³ ஆஹனந்தா¹வ ஏகே,
முனிவரதனுதா⁴துங் பூஜிதுங் உட்ட²ஹிங்ஸு.

334. ருசிரகசகலாபா ராஜகஞ்ஞாய தஸ்ஸா,
முனிவரத³ஸனங் தங் நிக்³க³தேவிந்து³லேகா²;
உஜுரஜதஸலாகா ஸன்னிபே⁴ முஞ்சி ரங்ஸீ.

335. அதுலிதமனுபா⁴வங் தா⁴துயா பெக்க²தங் தங்,

பமுதி³தஹத³யானங் தங்க²ணே பன்னகா³னங்;
படிர்வஹரிதானங் ஸாது⁴வாதா³தி³கானங்,
க³க³னமபரியந்தங்'வாஸி வித்தா²ரிதானங்.

336. பவிஸி ஸுக³த தா³டா²தா⁴து ஸா மோளிக³ப்³ப⁴ங்,
புன க³க³னதலம்ஹா ஓதரித்வான தஸ்ஸா;
ப²ணத⁴ரனிவஹா தே தங் தரிங் வாரயித்வா,
மஹமகருமுதா³ரங் ஸத்தரத்திந்தி³வங்ஹி.
337. அசலமிவ விமானங் அந்தலிக்க²ம்ஹி நாவங்,
க³திவிரஹிதமம்ஹோராஸிமஜ்ஜ²ம்ஹி தி³ஸ்வா;
ப⁴யவிலுலிதசித்தா ஜம்பதீ தே ஸமக்³கா³,
த³ஸப³லதனுஜங் தங் இத்³தி⁴மந்தங் ஸரிங்ஸு.
338. ஸபதி³ முனிஸுதோ ஸோ சித்தமேஸங் விதி³த்வா,
நப⁴ஸி ஜலத⁴ராலீ மத்³த³மானோ'பி⁴க³ந்த்வா;
விஹக³பதிஸரீரங் மாபயித்வா மஹந்தங்,
ப⁴யசகிதபு⁴ஜங்கே³ தே பளாபேஸி கி²ப்பங்.
339. இத்த²ங் புத்³தி⁴ஸுதே பு⁴ஜங்க³ஜனிதங் பீ⁴திங் ஸமெத்வா க³தே,
ஸா நாவா பவனா பகம்பிதத⁴ஜா துங்க³ங் தரங்கா³வலிங்;
பீ⁴ந்த³ந்தீ க³திவேக³ஸா புது²தரங் மேகா⁴வலீஸன்னிப⁴ங்,
லங்காபட்டனமோதரித்த² ஸஹஸா தே²ரஸ்ஸ தஸ்ஸித்³தி⁴யா.

சதுத்தோ² பரிச்சே²தோ³.

340. ஸங்வச்ச²ரம்ஹி நவமம்ஹி மஹாதி³ஸேன,
புத்தஸ்ஸ கித்திஸிரிமேக⁴னராதி⁴பஸ்ஸ;
தே ஜம்பதீ தமத² பட்டனமோதரித்வா,
தே³வாலயே படிவஸிங்ஸு மனோபி⁴ராமே.
341. தி³ஸ்வான தே த்³விஜவரோ பதி²கே நிஸாயங்,
ஸந்தப்பயித்த² மது⁴ராஸனபானகேஹி;
ரத்திக்க²யே ச அனுராத⁴புரஸ்ஸ மக்³கங்,
சா²யாபதீனமத² ஸோ அபி⁴வேத³யித்த².
342. ஆதா³ய தே த³ஸனதா⁴துவரங் ஜினஸ்ஸ,
ஸம்மானிதா த்³விஜவரேனத² பட்டனம்ஹா;
நிக்க²ம்ம தூ³ரதரமக்³மதிக்கமித்வா,
பத்³வாரகா³மமனுராத⁴புரஸ்ஸ'க³ஞ்ச²ங்.

343. யங் த⁴ம்மிகங் நரவரங் அபி⁴தக்கயித்வா,
ஜாயாபதீ விஸயமேதமுபாக³மிங்ஸு;
தங் வ்யாதி⁴னா ஸமுதி³தேன மஹாதி³ஸேன,
லங்கிஸ்ஸரங்ஸுசிரகாலகதங் ஸுணிங்ஸு.
344. ஸோகேன தே ஸிக²ரினேவ ஸமுக்³க³தேன,
அஜ்ஜொ²த்த²டா ப³ஹுதரங் விலபீங்ஸு முள்ஹா;
காயிங்ஸு தேஸமத² முச்சி²தமானஸானங்,
ஸப்³பா³ தி³ஸா ச விதி³ஸா ச க⁴னந்த⁴காரா
345. ஸுத்வான கித்திஸிரிமேக⁴னராதி⁴பஸ்ஸ,
ரஜ்ஜேடி²தஸ்ஸ ரதனத்தயமாமகத்தங்;
வஸ்ஸேன நிப்³பு³தமஹாத³ஹனா'வ கச்சா²,
தே ஜம்பதீ ஸமப⁴வுங் ஹதஸோகதாபா.
346. ஸுத்வான மேக⁴கி³ரினாமமஹாவிஹாரே,
பி⁴க்கு²ஸ்ஸ கஸ்ஸசி நராதி⁴பவல்லப⁴த்தங்;
தஸ்ஸ'ந்திகங் ஸமுபக³ம்ம கதாதிதெ²ய்யா,
தா⁴துப்பவத்திமவதி³ங்ஸு உபோ⁴ ஸமேச்ச.
347. ஸுத்வான ஸோ முனிவரோ த³ஸனப்பவத்திங்,
ஹட்டோ² யதா²மதரஸேன'ஹிஸித்தக³த்தோ;
கே³ஹே ஸகே ஸபதி³ பட்டவிதானகேஹி,
வட்³டே⁴ஸி தா⁴துமமலங் ஸமலங்கதம்ஹி.
348. தேஸஞ்ச ஜானிபதிகானமுபி⁴ன்னமேஸோ,
கத்வான ஸங்க³ஹமுளாரதரங் யதி²ச்ச²ங்;
வுத்தந்தமேதமபி⁴வேத³யிதுங் பஸத்த²ங்,
லங்காதி⁴பஸ்ஸ ஸவித⁴ங் பஹிணித்த² பி⁴க்கு²ங்.
349. ராஜா வஸந்தஸமயே ஸஹ காமினீஹி,
உய்யானகேளிஸுக² மேகதி³னே'நுபொ⁴ந்தோ;
ஆக³ச்ச²மானமத² தத்த² ஸுது³ரதோ'ச,
தங் விப்பஸன்னமுக²வண்ணமபஸ்ஸி பி⁴க்கு²ங்.
350. ஸோ ஸங்யமி ஸமுபக³ம்ம நராதி⁴பங் தங்,
வுத்தந்தமேதமபி⁴வேத³யி துட்ட²சித்தோ;
ஸுத்வான தங் பரமபீதிப⁴ரங் வஹந்தோ,
ஸம்பத்தசக்கரதனோ'வ அஹோஸி ராஜா.

351. லங்கிஸ்ஸரோ த்³விஜவரா ஜினத³ந்ததா⁴து,
மாதா³ய ஜானிபதயோ உப⁴யே ஸமேச்ச;
எஸ்ஸந்தி லங்கமசிரேன இதீரிதங் தங்,
நேமித்திகஸ்ஸ வசனஞ்ச தத²ங் அமஞ்ஞி.
352. ராஜா ததோ மஹதியா பரிஸாய ஸத்³தி⁴ங்,
தஸ்ஸானுராத⁴னக³ரஸ்ஸ புருத்தராய;
ஆஸாய தங் ஸபதி³ மேக⁴கிரிங் விஹாரங்,
ஸத்³தோ⁴ அக³ஞ்சி² பத³ஸா¹வ பஸன்னசித்தோ.
353. தி³ஸ்வா ததோ ஸுக³ததா⁴துமலப்³ப⁴னெய்யங்,
ஆனந்த³ஜஸ்ஸுனிவஹேஹி ச தாரஹாரங்;
ஸிஞ்சங் விதா⁴ய பணிதி⁴ங் ப³ஹுமானபுப்³ப³ங்,
ரோமஞ்சகஞ்சகத⁴ரோ இதி சிந்தயித்த².
354. ஸோ¹ஹங் அனேகரதனுஜ்ஜலமோளிதா⁴ரிங்,
பூஜெய்யமஜ்ஜ யதி³ து³ச்சஜமுத்தமங்க³ங்;
லோகத்தயேகஸரணஸ்ஸ ததா²க³தஸ்ஸ,
நோ தா⁴துயா மஹமனுச்ச²விகங் கரெய்யங்.
355. ஏதங் பஹுதரதனங் ஸத⁴னங் ஸபொ⁴க்³ங்,
ஸம்பூஜயங் அபி த⁴ராவலயங் அஸேஸங்;
பூஜங் கரோமி தத³னுச்ச²விகங் அஹங்¹தி,
சிந்தெய்ய கோஹி பு⁴வனேஸு அமூள்ஹதித்தோ.
356. லங்காதி⁴பச்சமித³மப்பதரங் மமாஸி,
பு³த்³தோ⁴ கு³ணேஹி விவிதே⁴ஹி பமாண ஸுஞ்ஞோ;
ஸோ¹ஹங் பரித்தவிப⁴வோ திப⁴வேகனாத²ங்,
தங் தாதி³ஸங் த³ஸப³லங் கத²மச்சயிஸ்ஸங்.
357. இத்த²ங் புனப்புன ததே³வ விசிந்தயந்தோ,
ஆபஜ்ஜி ஸோ தி⁴தியுதோ¹பி விஸஞ்ஞிபா⁴வங்;
ஸங்வீஜிதோ ஸபதி³ சாமரமாருதேன,
கின்னேன ஸேவகஜனேன அலத்த² ஸஞ்ஞங்.
358. தோ²கம்பி பீ³ஜமத² வா அபி⁴ரோபயந்தா,
மேதா⁴வினோ மஹதியா¹பி மஸுந்த⁴ராய;
காலேன பத்த தவ புப்ப²ப²லதி³கானி,
விந்த³ந்தி பத்தி²தப²லானி அனப்பகானி.

359. ஏவங் கு³ணேஹி விவிதே⁴ஹி'பி அப்பமெய்ய,
த⁴ம்மிஸ்ஸரம்ஹி மஹமப்பதரம்பி கத்வா;
காலச்சயேன பரிணாம விஸேஸரம்மங்,
ஸக்³கா³பவக்³க³ஸு²மப்படிமங் லபி⁴ஸ்ஸங்.
360. இத்த²ங் விசிந்திய பமோத³ப⁴ராதிரேக,
ஸம்புண்ணசந்தி³மஸரிக்க²முகோ² நரிந்தோ³;
ஸப்³ப³ஞ்ஞனோ த³ஸனதா⁴துவரஸ்ஸ தஸ்ஸ,
பூஜேஸி ஸப்³ப³மபி ஸீஹளதீ³பமேதங்.
361. பி⁴க்க²'பி தேபிடக ஜாதகபா⁴ணகாதி³,
தக்கக³மாதி³ குஸலா அபி பு³த்³தி⁴மந்தோ;
வத்து²த்தயேகஸரணா அபி போரவக்³கா³,
கோதுஹலா ஸபதி³ ஸன்னிபதிங்ஸு தத்த².
362. ராஜா ததோ மஹதிய பரிஸாய மஜ்ஜே²,
இச்சப்³ருவீ முனிவரோ ஹி ஸுஸுக்கதா³டோ²;
தா³டா² ஜினஸ்ஸ யதி³ ஓஸதி⁴தாரகா'வ,
ஸேதா ப⁴வெய்ய கிமயங் மலினாவபா⁴ஸா.
363. தஸ்மிங் க²ணே த³ஸனதா⁴து முனிஸ்ஸரஸ்ஸ,
பக்கே² பஸாரிய து³வே விய ராஜஹங்ஸீ;
வித்தா²ரிதங்'ஸுனி வஹா க³க³னங்க³னம்ஹி,
ஆவட்டதோ ச²வி ஜவேன முஹுத்தமத்தங்.
364. பச்சக்³க⁴மத்த²ரணகங் ஸிதமத்த²ரித்வா,
ப⁴த்³தா³ஸனம்ஹி வினிதா⁴ய முனிந்த³தா⁴துங்;
தங் ஜாதிபுப்ப²னிகரேன த²கேஸி ராஜா,
வஸ்ஸச்சயம்பு³த⁴ரகூடஸமப்பபே⁴ன.
365. உக்³க³ம்ம கி²ப்பமத² தா⁴து முனிஸ்ஸரஸ்ஸ,
ஸா புப்ப²ராஸிஸிக²ரம்ஹி பதிட்ட²ஹித்வா;
ரங்ஸீஹி து³த்³த⁴த⁴வலேஹி விரோசமானா,
ஸம்பஸ்ஸதங் அனிமிஸே நயனே அகாஸி.
366. தங் தா⁴துமாஸனக³தம்ஹி பதிட்ட²பெத்வா,
கீ²ரோத³ஏணேபடலப்படிமே து³குளே;
சா²தே³ஸி ஸாடகஸதேஹி மஹாரஹேஹி,
பி⁴ய்யோ'பி ஸோ உபபரிக்கி²துகாமதாய.

367. அப்³பு⁴க்³தா ஸபதி³ வத்த²ஸ்தானி பெ⁴த்வா,
ஸேதம்பு³தோ³த³ரவினிக்³தசந்தி³மாவ;
ட²த்வான ஸா உபரி தேஸமபா⁴ஸயித்த²,
ரங்ஸீஹி குந்த³விஸதே³ஹி தி³ஸா ஸமந்தா
368. தஸ்மிங் க²ணே வஸுமதீ ஸஹ பூ⁴த⁴ரேஹி,
க³ஜ்ஜித்த² ஸாது⁴வசனங்'வ ஸமுக்³கி³ரந்தீ;
தங் அப்³பு⁴தங் விய ஸமெக்கி²துமம்பு³ராஸி,
ஸோ நிச்சலோ அப⁴வி ஸந்ததரங்க³பா³ஹு.
369. மத்தேப⁴கம்பிதஸுபுபி²தஸாலதோ'வ,
ப⁴ஸ்ஸிங்ஸு தி³ப்³பு³குஸுமானி'பி அந்தளிக்கா²;
நச்சேஸு சாதுரியயமச்ச²ரியங் ஜனஸ்ஸ,
ஸந்த³ஸ்ஸயிங்ஸு க³க³ணே ஸுரஸுந்த³ரீ'பி.
370. ஆனந்த³ஸஞ்ஜனிததாரரவாபி⁴ராமங்,
கா³யிங்ஸு கீதமமதாஸனகா³யகா'பி;
முஞ்சிங்ஸு தி³ப்³பு³துரியானி'பி வாதி³தானி,
க³ம்பீ⁴ரமுச்சமது⁴ரங் த்³விசு³ணங் நிநாத³ங்.
371. ஸங்ஸிப்³பி³தங் ரஜதரஜ்ஜுஸ்தானுகாரீ,
தா⁴ராஸதேஹி வஸுத⁴ம்ப³ரமம்பு³தே³ன;
ஸப்³பா³ தி³ஸா ஜலத³குடமஹக³கி⁴யேஸு,
தித்தாசிரஜ்ஜுதிபதீ³பஸ்தாவபா⁴ஸா.
372. ஆது⁴யமான மலயாவல கானந்தோ,
ஸமது²ல்ல புப்²ஜ பராக³ஹராபி⁴ஹாரி;
ஸேதோ³த³ பி³ந்து³க³ண ஸங்ஹரணப்பவீணோ,
மந்த³ங் அவாஸி ஸிஸிரோ அபி க³ந்த⁴வாஹோ.
373. ராஜா தமப்³பு⁴தமவெக்கி²ய பாடிஹீரங்,
லோகுஸ்ஸவங் ப³ஹுதரஞ்ச அதி³ட்ட²புப்³பங்;
சிப்பா²ரிதக்கி²யுக³லோ பரமப்பமோதா³,
பூஜங் கரித்த² மஹதிங் ரதனாதி³கேஹி.
374. ஸோ தா⁴துமத்தஸிரஸா'த² ஸமுப்³பு³ஹந்தோ,
ட²த்வா ஸமுஸ்ஸித ஸிதாதபவாரணம்ஹி;
சித்தத்த²ரே ரத²வரே ஸிதவாஜியுத்தே,
லக்கி²னிதா⁴னநுராத⁴புரங் பவெக்கி².

375. தே³விந்த³ மந்தி³ர ஸமே ஸமலங்கதம்ஹி,
ராஜா ஸகம்ஹி ப⁴வனே அதுலானுபா⁴வோ;
ஸீஹாஸனே படிக கோஜவ ஸந்த²தம்ஹி,
தா⁴துங் ட²பேஸி முனினோ ஸஸிதாதபத்தே.
376. அந்தோ'வ பு⁴மிபதி தா⁴துக⁴ரங் மஹக்³க⁴ங்,
கத்வான தத்த² வினிதா⁴ய முனிந்த³தா⁴துங்;
ஸம்பூஜயித்த² விவிதே⁴ஹி உபாயனேஹி,
ரத்தீந்தி³வங் திதி³வமொக்க² ஸுகா²பி⁴கங்கீ².
377. தேஸஞ்ச ஜானிபதிகானமுபி⁴ன்னமேவ,
துட்டோ² ப³ஹுனி ரதனாப⁴ரணாதி³கானி;
கா³மேச இஸ்ஸரகுலேக நீவாஸபு⁴தே,
த³த்வான ஸங்க³ஹமகாஸி திஸ்ஹளிந்தோ³.
378. ஸங்க³ம்ம ஜானபத³ நேக³ம நாக³ராதீ³,
உக்கண்டி²தா ஸுக³ததா⁴துமபஸ்ஸமானா;
லோகுத்தமஸ்ஸ சரிதானி அபி⁴த்த²வந்தா,
உக்³கோ⁴ஸயிங்ஸு த⁴ரணிபதிஸன்னிதா⁴னி;
த⁴ம்மிஸ்ஸரோ ஸகலலோகஹிதாய லோகே,
ஜாயித்த² ஸப்³புஜனதாஹிதமாசரித்த²;
வித்தா²ரிதா ப³ஹுஜனஸ்ஸ ஹிதாய தா⁴து,
இச்சா²ம தா⁴துமபி⁴பூஜயிதுங் மயம்பி.
380. ஸோ ஸன்னிபாதிய மஹீபதி பி⁴க்கு²ஸங்க⁴,
மாராமவாஸிமனுராத⁴புரோபகண்டே²;
அஜ்ஜா²ஸயங் தமபி⁴வேத³யி ஸத்து²தா⁴து,
பூஜாய ஸன்னிபதிதஸ்ஸ மஹாஜனஸ்ஸ.
381. தே²ரோ தஹிங் மஹதி பி⁴க்கு²க³ணே பனேகோ,
மேதா⁴ப³லேன அஸமோ கருணாதி⁴வாஸோ;
ஏவங் திஸ்ஹளபதிஸ்ஸ மஹாமதிஸ்ஸ,
லோகத்த²சாரசதுரஸ்ஸ நிவேத³யித்த².
382. யோ ஆசரெய்ய அனுஜீவிஜனஸ்ஸ அத்த²ங்,
ஏஸோ ப⁴வே'நுசரிதோ மஹதங் ஸபா⁴வோ;
தா⁴துங் வஸந்தஸமயே ப³ஹி நீஹரித்வா,
த³ஸ்ஸேஹி புஞ்ஞமபி⁴பத்த²யதங் ஜனானங்.
383. ஸுத்வான ஸங்யமிவரஸ்ஸ ஸுபா⁴ஸிதானி,

புச்சித்த² ஸோ நரவரோ புன பி⁴க்கு²ஸங்க⁴ங்;
தா⁴துங் நமஸ்ஸிதுமனேன மஹாஜனேன,
டா²னங் கிமெத்த² ரமணியதரங் ஸியா'தி.

384. ஸப்³பே³பி தே அத² நிகாய நிவாஸி பி⁴க்க²,
டா²னங் ஸகங் ஸகம வண்ணயுமாத³ரேன;
அஞ்ஞோஞ்ஞபி⁴ன்னவசனேஸு ச தேஸு ராஜா,
நேவாபி⁴னந்தி³ ந படிக்கி²பி கிஞ்சிவாக்யங்.

385. மஜ்ஜத்ததானுக³தமானஸதாய கிந்து,
ராஜா அவோ ச புன பி⁴க்கு²க³ணஸ்ஸ மஜ்ஜே²;
அத்தானுருபமயமேவ முனிந்த³தா⁴து,
டா²னங் க²ணேன ஸயமேவ க³மிஸ்ஸதீதி.

386. ராஜா ததோ ப⁴வனமேவ ஸகங் உபேச்ச,
தா⁴துப்பணாமமபி⁴பத்த²யதங் ஜனானங்;
கி²ப்பங்முக²ம்புஜவனானீ விகாஸயந்தோ,
ஸஜ்ஜேதுமாஹ நக³ரஞ்ச விஹாரமக்³கங்.

387. ஸம்மஜ்ஜிதா ஸலில ஸேவன ஸந்ததூ⁴லீ,
ரச்சா² ததா³ஸி புலினத்த²ரணாபி⁴ராமா;
உஸ்ஸாபிதானி கணகாதி³விசித்திதானி,
வ்யக்³கா⁴தி³ ரூபக²சிதானி ச தோரணானி.

388. சா²யா நிவாரித விரோசன ரங்ஸிதாபா,
நச்சங்'வ த³ஸ்ஸயதி வாததூ⁴தா த⁴ஜாலி;
வீதி² வஸந்தவனராஜி ஸமானவண்ணா,
ஜாதா ஸுஜாதகத³லீதருமாலிகாஹி.

389. ஸங்ஸுசயந்தி ச ஸதங் நவபுண்ணகும்பா⁴,
ஸக்³கா³பவக்³க³ஸுக²மிச்சி²தமிஜ்ஜ²தீதி;
கப்புரஸாரதக³ராக³ருஸம்ப⁴வேஹி,
தூ⁴பேஹி து³த்³தி³னமதோ² ஸுதி³னங் அஹோஸி.

390. ஓலம்ப³மானஸிதமுத்தகஜாலகானி,
ஸஜ்ஜாபிதானி விவிதா⁴னி ச மண்ட³பானி;
ஸம்பாதி³தானி ச தஹிங் குஸுமக³கி⁴கானி,
ஆமோத³ லுத்³த⁴ மது⁴பாவலி குஜிதானி.

391. கச்சி²ங்ஸு கேசி க³ஹிதுஸ்ஸவ வேஸஸோபா⁴,

ஏகே ஸமுக்³பரிபுரிதபுப்²ஹத்தா²;
அஞ்ஞே ஜனா ஸுரபி⁴சுண்ணப⁴ரங் வஹந்தா,
தத்தே²தரே த⁴தவிசித்தமஹாதபத்தா.

392. லங்கிஸ்ஸரோ²த² ஸஸிபண்ட³ரவாஜியுத்தே,
உஜ்ஜோதிதே ரத²வரே ரதனப்பபா⁴ஹி;
தா⁴துங் திலோகதிலகஸ்ஸ பதிட்ட²பெத்வா,
ஏதங் அவோச வசனங் பணிபாதபுப்³பங்.
393. ஸம்போ³தி⁴யா இவ முனிஸ்ஸர போ³தி⁴மண்ட³ங்,
கண்ட³மப்³ருக்க²மிவ தித்தி²யமத்³த³னாய;
த⁴ம்மஞ்ச ஸங்விப⁴ஜிதுங் மிக³தா³யமஜ்ஜ,
பூஜானுருபமுபக³ச்ச² ஸயங் பதே³ஸங்.
394. ராஜா ததோ ஸமுசிதாசரணேஸு த³க்கோ²,
விஸ்ஸஜ்ஜி பு²ஸ்ஸரத²மட்டி²தஸாரதி²ங் தங்;
பச்சா² ஸயங் மஹதியா பரிஸாய ஸத்³தி⁴ங்,
பூஜாவிஸேஸமஸமங் அக³மா கரொந்தோ.
395. உக்குட்டி²னாத³விஸரேன மஹாஜனஸ்ஸ,
ஹேஸாரவேன விஸடேன துரங்க³மானங்;
பே⁴ரீரவேன மஹதா கரி க³ஜ்ஜிதேன,
உத்³தா³மஸாக³ர ஸமங் நக³ரங் அஹோஸி.
396. ஆமோதி³தா உப⁴யவீதி²க³தா குலித்தி²,
வாதாயனேஹி கனகாப⁴ரணே கி²பிங்ஸு;
ஸப்³புத்த²கங் குஸுமவஸ்ஸமவஸ்ஸயிங்ஸு,
சேலானிசேவ ப⁴மயிங்ஸுனிஜுத்தமங்கே³.
397. பாசீனகோ³புரஸமீபமுபாக³தம்ஹி,
தஸ்மிங் ரதே² ஜலதி⁴பிட்டி²க³தே'வ போதே;
துட்டா² தஹிங் யதிக³ணா மனுஜா ச ஸப்³பே³,
ஸம்புஜயிங்ஸு விவிதே⁴ஹி உபாயனேஹி.
398. கத்வா பத³க்கி²ணமதோ² புரமுத்தரேன,
த்³வாரேன ஸோ ரத²வரோ ப³ஹி நிக்க²மித்வா;
டா²னே மஹிந்த³மினுத⁴ம்மகதா²பவித்தே,
அட்டா²ஸி தித்த²க³மிதா இவ ப⁴ண்ட³னாவா.
399. டா²னே தஹிங் த³ஸனதா⁴துவரங் ஜினஸ்ஸ,

லங்கிஸ்ஸரோ ரதனவித்தகரண்ட³க³ப³பா⁴;
ஸஞ்ஜா²க⁴னா இவ விது⁴ங் ப³ஹினீஹரித்வா,
த³ஸ்ஸேஸி ஜானபத³ நேக³ம நாக³ரானங்.

400. தஸ்மிங் ஜனே ஸபதி³ ஆப⁴ரணாதி³வஸ்ஸ,
மச்சந்தபீதிப⁴ரிதே அபி⁴வஸ்ஸயந்தே;
ஸானந்தி³வந்தி³ஜனமங்க³லகீ³தகேஹி,
ஸம்பாதி³தேஸு முக²ரேஸு தி³ஸாமுகே²ஸு.

401. ஹத்தா²ரவிந்த³னிவஹேஸு மஹாஜனஸ்ஸ,
சந்தோ³த³யே'ச முகுலத்தனமாக³தேஸு;
ப்ரஹ்மாமராதி³ஜனிதாமித ஸாது⁴வாதே³,
தாராபத²ம்ஹி பு⁴வனோத³ர மொத்த²ரந்தே.

402. ஸாத³ந்ததா⁴து ஸஸிக²ண்ட³ ஸமானவண்ணா,
ரங்ஸீஹி குந்த³ நவசந்த³ன பண்ட³ரேஹி;
பாஸாத³ கோ³புர ஸிலுச்சய பாத³பாதி³ங்,
நித்³தோ⁴த ரூபியமயங்'வ அகா க²ணேன.

403. தங் பாடிஹாரிய மசிந்திய மச்சளாரங்,
தி³ஸ்வான கே தஹீமஹேஸு மஹட்ட²லோமா;
கேவா'நயுங் ஸகஸகாப⁴ரணானி கே³ஹங்,
கேவா ந அத்தபடி⁴லாப⁴மவண்ணயிங்ஸு.

404. கே நோஜஹிங்ஸு ஸகதி³ட்டி²மலானுப³த்த⁴ங்,
கே வா ந பு³த்த⁴மஹிமங் அபி⁴பத்த²யிங்ஸு;
கே நாம மச்ச²ரியபாஸவஸா அஹேஸுங்,
வத்து²த்தயஞ்ச ஸரணங் நக³மிங்ஸு கேவா.

405. லங்கிஸ்ஸரோ'பி நவலக்க² பரிப்³ப³யேன,
ஸப்³ப³ஞ்ஞுதா⁴துமதுலங் அபி⁴பூஜயித்வா;
தங் த³ந்ததா⁴துப⁴வனங் புன வட்³ட⁴யித்வா,
அந்தேபுரம்ஹி படிவாஸரமச்சயித்த².

406. தா⁴துங் விஹாரமஹயுத்தரமேவ நெத்வா,
பூஜங் விதா⁴துமனுவச்ச²ரமேவருபங்;
ராஜா'த² கித்திஸிரிமேக⁴ஸமவ்ஹயோ ஸோ,
வாரித்தலேக² மபி⁴லேக²யி ஸச்சஸந்தோ⁴.

407. வாரித்தமேதமிதரே'பி பவத்தயந்தா,

தே பு³த்³த⁴தா³ஸபமு²கா² வஸு³தா⁴தி⁴னாதா²;
ஸத்³தா⁴த³யாதி⁴ககு³ணாப⁴ரணாபி⁴ராமா,
தங் ஸக்கரிங்ஸு ப³ஹு³தா⁴ ஜினத³ந்ததா⁴துங்.

408. ஸத்தா²ரா ஸம்ப⁴தத்த²ங் புரிமதரப⁴வே ஸம்பஜானங் பஜானங்,
ஸம்போ³தி⁴ங் தஸ்ஸ ஸப்³பா³ஸவவிக³மகரிங்
ஸத்³த³ஹந்தோ³த³ஹந்தோ;
ஸோதங் தஸ்ஸக்³த⁴ம்மே நிபுணமதி ஸதங் ஸங்க³மேஸங்க³மேஸங்,
நிப்³பா³ணங் ஸந்தமிச்சே² திப⁴வப⁴யபரிச்சாக³ஹேதுங் க³ஹேதுங்.

பஞ்சமோ பரிச்சே²தோ³.

409. யோ சந்த³கோ³மி ரசிதேவரஸத்³த³ஸத்தே²,
டகங் பஸத்த²மகரித்த² ச பஞ்சிகாய;
பு³த்³த⁴ப்பபா⁴வஜன நிங்ச அகா ஸமந்த,
பாஸாதி³காய வினயட்ட²கதா²ய டகங்.
410. அங்கு³த்தராக³மவரட்ட²கதா²ய டகங்,
ஸம்மோப⁴விப்³ப⁴ம விகா⁴தகரிங் அகாஸி;
அத்தா²ய ஸங்யமிக³ணஸ்ஸ பதா⁴னிகஸ்ஸ,
கந்த²ங் அகா வினயஸங்க³ஹனாமதெ⁴ய்யங்.
411. ஸந்திந்த³ரியஸ்ஸபடிபத்தி பராயணஸ்ஸ,
ஸல்லேக² வுத்தி நிரதஸ்ஸ ஸமாஹிதஸ்ஸ;
அப்பிச்ச²தாதி³ கு³ணயோக³ விபு⁴ஸனஸ்ஸ,
ஸம்பு³த்³த⁴ஸாஸனமஹோத³யகாரணஸ்ஸ.
412. ஸப்³பே³ஸுஆசரியதங் பரமங் க³தஸ்ஸ,
ஸத்தே²ஸு ஸப்³ப³ஸமயந்தர கோவித³ஸ்ஸ;
ஸிஸ்ஸேனஸாரிதனுஜஸ்ஸ மஹாதி³ஸாமி.
413. ஸுத்³த⁴ன்வயேன கருணாதி³கு³ணோத³யேன,
தக்காக³மாதி³ குஸலேன விஸாரதே³ன;
ஸப்³ப³த்த² பத்த²ட ஸுதா⁴கரரங்ஸிஜால,
ஸங்காஸகித்திவிஸரேன பரிக்க²கேன.
414. ஸத்³தா⁴த⁴னேன ஸகி²லேன ச த⁴ம்மகித்தி,
நாமேன ராஜக³ருனா சரியேன ஏஸோ;
ஸோதுப்பஸாத³ஜனநோ ஜினத³ந்ததா⁴து,
வங்ஸோ கதோ நிகி²லத³ஸ்ஸிப்பா⁴வதீ³போ.

415. த⁴ம்மோ பவத்தது சிராய முனிஸ்ஸரஸ்ஸ,
த⁴ம்மே டி²தா வஸுமதீபதயோ ப⁴வந்து;
காலே பவஸ்ஸது க⁴னோ நிகி²லா பஜா'பி,
அஞ்ஞோஞ்ஞமெத்திபடிலாப⁴ஸுக²ங் லப⁴ந்து.